

輶軒使者絕代語釋別國方言箋疏

序

方言箋疏之作也余弟同人實首創之未及成而卽世其本藏之篋笥者十有餘年及賦梅姪弱冠後始出以示余余閱其本簡眉牘尾如黑蟻攢集相蹂於白蟬趁趁之中幾不可復辨余憫其用力之勤而懼其久而散佚也乃取而件繫之條錄之凡未及者補之複出者刪之未盡者詳之未安者辨之或因此而及彼者則觸類而引伸之譬之築室其基址材木陶埴之資則同人已具之若陰陽向背體立覆蓋牆垣黝聖戶牖門楹則予實成之竭數年心力始得脫稿

自後時加釐正而塗乙纂改者又十之六書成後間
嫌有繁冗處思欲更爲刪節重復鈔寫多事卒卒殊
少暇晷兼之手戰目眩不能捉管蓋是時余年亦已
耄矣同邑吳子嘯庚與余爲忘年交於儕輩中獨好
訓詁之學余出此稿示之囑爲參訂頗有條理且錄
清本貽余後爲壽陽祁相國索去吳子又爲余錄有
此本我子孫其弄之母任鼠傷蟲蝕也昔毛西河有
弟纂易傳未卒業而歿西河爲續成之今所傳仲氏
易卽其本也余之學視西河無能爲役而事適相類
亦愈以增鶴原之戚矣爰述其緣起及成書之本末

如此時咸豐建元辛亥仲春嘉定錢繹自序

翰軒使者絕代語釋別國方言序

晉郭璞撰

嘉定錢 繹撰集

蓋聞方言之作出乎翰軒之使所以巡遊萬國采覽
異言車軌之所交人跡之所蹈靡不畢載以爲奏籍

周秦之季其業墮廢莫有存者

劉歆與揚子書云詔問三代周秦軒車使

者道人使者以歲八月巡路宋代語僅謠歌戲又揚子答劉歆書云常聞先代翰軒之使奏籍之言皆藏於周秦之室及其破也遺棄無見之者又云翁孺猶見翰軒之使所奏言暨乎揚生沈淡

其志厯載構綴乃就斯文是以三五之篇著而獨覽

之功顯

劉歆與揚子書云屬問子雲獨採集先代絕言殊語以爲十五卷其所解略多矣而不知

其目非子雲淡雅之才沈鬱之志不能經年銳精以成此書良爲勤矣又子雲答書云成帝好之遂得盡

意故天下上計孝廉及內郡衛卒會者雄常把三寸
弱翰齋油素四尺以問其異語歸卽以鉛摘次之於
槩二十七歲於今矣而語言或交錯相反方復論思
詳悉集之燕其疑葛洪西京雜記揚子雲好事嘗懷
鉛提槩從諸計吏訪殊方絕域四方之語以爲裨補
翰軒所載按漢書揚雄傳備列雄所著書獨無方言
常璩華陽國志及藝文志小學類亦但有訓纂一篇
儒家有雄所序三十八篇注云太立十九法言十三
樂四箴二襍賦十二篇亦不及方言東漢一百九十
年中未有稱揚子作方言者至漢末應劭風俗通義
序始稱周秦以歲八月遣翰軒之使求異代方言還
奏籍之藏於祕室及嬴氏之亡遺棄脫漏無有見之
蜀人嚴君平有千餘言林間翁孺才有梗概之法揚
雄好之天下孝廉衛卒交會周章質問以次注續二
十七年爾乃治正又劭注漢書引揚雄方言一條是
稱揚子作方言實自劭始至魏孫炎注爾雅吳辭綜
述二京解晉杜預注左傳張載劉逵注三都賦皆遊
相證引沿及東晉郭氏遂注其書後儒稱揚子方言
蓋由於是郭氏云三五之篇著與歆書十五篇之數
正合而隋書經籍志云方言十三卷舊唐書稱別國

方言十三卷是并十五爲十三斷在郭注後隋以前
無疑矣又風俗通義序取答書語詳具本末云方言
凡九千字今計本文實萬一千九百餘字蓋子雲此
書本未成也觀其答劉歆書言交錯相反方復論思
詳悉集之又云張伯松屬雄以此篇目頗示其成者
又云如可寬假延期必不敢有愛其日方復論思詳
悉集之則正在構綴時也日頗示其成者則尙有未
成者也日寬假延期必不敢有愛則謂他時成書之
後也書中自十二卷以下大率皆僅舉其字不言何
方其明證也當欲求書時撰集未備歆欲借觀未得
故七錄不載漢志亦不著錄至卷帙字數之不同或
子雲既卒之後侯芭之徒搜其遺稿私相傳述不免
輾轉附益如徐鈺之增說文故字多於前厥後傳其
學者以漢志無方言之名而小學家有別字十三篇
不著撰人名氏恐其假借影附故證其實出於揚子
遂并爲一十三卷以就其數故卷減於舊歆至宋志
又云十四卷當因劉歆書及揚子答書向故可不出
附籍末者亦別爲卷而併數之無可疑也

方言箋疏

序

二

紅蝠山房校本

何休公羊傳注云五

穀畢入民，皆居宅。男女同巷，相從夜績。從十月盡正月止，男女有所怨恨，相從而歌。飢者歌其食，勞者歌其事。男年六十，女年五十，無子者，官衣食之，使之民間求詩。鄉移於邑，邑移於國，國以聞於天子。故王者不出牖戶，盡知天下。漢書食貨志云：孟春之月，行人振木鐸，徇於路，以采詩獻之。太師比其音律，以聞於天子。故曰：王者不窺牖戶，而知天下。答劉歆書又云：其不勞戎馬，高車令人君坐幃幕之中，知絕遐異俗之語。孟子離婁篇：趙岐章攷九服之逸言，標六代之指。云物來能名，事至不惑。

絕語類離詞之指韻明乖途而同致，辨章風謠而區分曲通萬殊而不襍，眞洽見之奇書，不刊之碩記也。

答劉歆書又云：張伯松曰：余少玩雅訓，旁味方言，復是懸諸日月，不刊之書也。

爲之解觸事廣之，演其未及，摘其謬漏，庶以燕石之瑜，補琬琰之瑕，俾之瞻涉者，可以廣寤多聞爾。

凡例

一 方言舊本刻於各種叢書者多有舛譌卽永樂大典本亦間有之近時惟戴東原盧召弓兩家本校訂稍精而亦互有所見不免參差今參眾家本而詳究之以折其衷擇善而從則戴盧兩本居多

一 古今地理稱名代易繁稱博引轉致迷眩今惟據漢晉地理志說文括地志及水經注指明今爲某省某府某縣而已其近人地理各種概不泛引以免多歧

一 今本方言各不同晉唐人書注中有同引方言而

方言箋疏

凡例

一

紅蝠山房校本

彼此互異者有或以郭注而誤爲方言正文者今就
所見者並列各條下間有疑義則辨析之然必確有
所據不敢妄逞臆見指鹿爲馬

一他書所引方言而今本無其文者詳其文義的係
脫落當補者則旁列於條下以清眉目不敢羸混而
於箋疏中申明之

一所引諸書頗夥間有舛誤未及詳審者博雅君子
其教正之

紅稻者農川象

嚴可均題



方言箋疏

像贊

紅稻山房校本

凶貌清且臞世人直
而愚將寤躬老於蘭
編子以經訓為菑畱
道光十二年歲易元默歲舍
執涂相月小廬居士自題

嘉定錢少詹事辛楣先生問學閎深達於天人爲海
內碩儒先生之弟可廬徵士三子長旣勤東垣次子
樂繹季同人侗俱有文行余皆識之而與子樂尤習
子樂以開敏之材智承家學之淵源究窮經術先後
成十三經漢學句讀孟子義疏又與弟同人疏揚子
方言都二十餘萬言義沈而體大識邃而說創又工
篆隸真書當其雅質往往不愧漢唐人性而易謙慎
長者多言其似少詹事徵士二先生先大父簡州公
與二先生交厚先子又學于少詹事子樂固余丈人
行年齒又長而素重余自少至今講說日親遂成故

舊余屢遠遊以性寡合知友不過數人居則惟子
樂敦夫子仁子劭子仁之兄損之丈與賢子潛夫而
已子仁家西谿上與子樂諸賢居近余居城中少遠
遠遊歸輒主子仁家子仁昆仲父子喜賓客談讌諸
賢亦樂就余益往復論辨理道文學務窮極奧曠浩
博或不合率固爭執不下氣至理得則又互規美矜
異酒酣則間縱談神仙鬼怪或徵引故老瑣事里諺
相戲謔爲樂竊謂古之直諒多聞與魏晉賢者聚處
莫過焉旣而損之丈子劭潛夫先後亡敦夫爲教諭
官潁州之太和里居惟余與子仁子樂三人雖間尋

舊樂而豪縱之氣多不如前甚至默然相對移時別去不特死生存亡之痛有慨於中而三人亦衰病畏劇談狂飲殫然老矣嘉慶十八年余與子樂同應鄉試子樂屬爲其農夫像讚已諾之忽忽二十七八年子樂屢以爲言道光二十年六月望後余自蘇州歸重見於子仁家復固乞之夫子樂文學著述之精贍余誠不逮至於困躓伏處蒙時俗訕笑爲兒曹輩所侮二人無異焉然則讚子樂者莫余宜也詞曰學通古訓藝高儒雅謙謝方聞退甘樵野形頽而睂厖目耽而言訥儒也農歟迷郵之榻寶山毛嶽生

錢翁不遇今老矣歸耕幸守先人廬說經遠尊許叔
重問字爭過王仲舒既雨呼兒理墻築破間與客談
農書名流何限困饑餓力學不如勤扶鋤釋祖觀

翰軒使者絕代語釋別國方言箋疏卷第一

嘉定錢 繹撰集

仁和王文韶校刊

按諸書稱引及史志著錄皆謂之方言舊唐書經籍志則謂之別國方言蓋以其文冗贅並從省文實則一書又宋洪邁容齋隨筆稱爲翰軒使者絕域語釋別國方言攷書中所載並無絕域重譯之言而半爲南楚江湖之間代語郭注以爲元以異語相易謂之代蓋洪氏偶爾誤記故作絕域今從舊漢揚雄撰也漢書列傳揚雄字子雲蜀郡成都人題劇談默而好深湛之思清靜無所不見口吃不能於富貴不戚戚於貧賤自有大度非聖哲之書不好也非其意雖富貴不事也年四十餘自蜀來遊京師大司馬王音奇其文雅召爲門下吏薦雄待詔甘泉校獵長楊等輒奏賦以風除爲郎給事黃門年七十一天鳳五年卒案子雲答劉歆書云雄

始能草文先作縣邸銘王俛頌階圖銘及成都城
四隅銘蜀人有楊莊者爲郎詡之於成帝成帝好
之以爲似相如雄遂以此得外見又文選甘泉賦
李周翰注云揚雄家貧好學每製作慕相如之文
嘗作縣竹頌成帝時直宿郎楊莊誦此文帝曰此
似相如之文莊曰非也此臣邑人揚子雲帝即召
見拜爲黃門侍郎與傳晉郭璞注晉書列傳郭璞
所稱互異當是傳誤也晉郭璞注字景純河東聞
喜人也璞少好經術博學有高才而詡於言好古
文奇字妙於陰陽厯算終尙書郎記室參軍贈宏
守農太

黨曉哲知也楚謂之黨注黨朗也解寤貌或曰曉齊

宋之間謂之哲

注

知通作智廣雅黨曉哲節也
節隸省作智荀子正名篇知

有所合謂之智白虎通義智者知也獨見前聞不
惑於事見微知著也釋名云智者知也無所不知
也智與知聲近義同黨者荀子非相篇文而致實
博而黨正楊涼注政至也黨與諫同謂直言也案

致與黨相對成文致爲至黨宜訓知言文而不流於虛僞博而能知其邪正也注以直言釋之疏矣廣雅黨美也善也美與知義相近美謂之黨亦謂之媛猶知謂之媛亦謂之黨也卷十二媛知也釋名善演也演盡物理也善與知義亦相近故相親愛謂之知亦謂之善呂氏春秋貴公篇史吾善鮑叔是也相親暱謂之善亦謂之黨禮記禘記大功以下既葬適人人食之其黨也食之非其黨弗食也鄭注黨猶親也哀九年左氏傳無由從黨是也黨與諱通逸周書祭公解王拜手稽首黨言孟子禹聞善言趙岐注引臯陶謨禹拜謫言今書作昌言史記夏本紀作美言義並通也今人謂知爲懂其黨聲之轉歟知謂之黨不知亦謂之僮以相反爲義也莊子山木篇侗乎其無識僮乎其疑怠是也注黨朗疊韻字廣韻燭朗火光寬明也燭與黨同解席謂之黨昏昧亦謂之燭說文燭目無精直視也光明謂之黨朗不明亦謂之燭說文燭目無精直賦畏映日之僮朗徐爰注僮朗不明之狀楚辭遠遊時曖曖其僮莽兮王逸注日月晦蹙而無光也燭莽與僮朗同亦以相反爲義也燭僮燭黨聲並

相近曉者卷十三曉明也說文同漢書息夫躬傳
外有直項之名內實駭不曉事荀子富國篇百姓
曉然皆知其汚漫暴亂列子仲尼篇智者之言固
非愚者之所曉孫綽避天台山賦之者以路絕而
莫曉是曉爲知也哲者說文哲知也大雅下武篇
世有哲王鄭箋哲知也楚辭離騷王逸注同知哲
一聲之轉釋言哲知也衆經音義卷二十引云齊
宋之間謂智爲哲又卷二十二引此文元應云哲
謂照了也法言問明篇或問哲曰旁明厥思應劭
注漢書五行志云哲明也明與知同義明謂之哲
知亦謂之哲知謂之曉明亦謂之黨也

度儼慧也

注

謂慧了秦謂之謾

注

言謾能晉謂之懇

宋楚之間謂之捷

注

言便捷也楚或謂之謹

注

今通語自關而東趙魏之間謂之黠或謂之鬼

言鬼脈也

音義

謾莫錢反又亾山反訖音大和反
懇音悝或莫佳反謹他和反○盧

氏文弼云郭氏注爾雅三卷又有音義一卷則知此書之音亦必不與注相禡又增益以近人所音并合之以郭氏音古雅難曉又增益以近人所音如通志載有吳良輔方言釋音一卷此書當有摺摺及之者案舊本或先音後注或先注後音皆從屬各句或各字之下其非郭氏原本信然特無從攷辨今退音於各條之末以從一例其舛謬者則辯正之仍必詳其所自不敢臆改一本刪莫錢反三字非又舊本先音記後音

義疏

說文慧儂也成

謾亦誤倒今從盧校本改正者後漢書孔融傳小子有兄而無慧杜註謂慧了者後漢書孔融傳小而聰了大未必奇了通作僚說文僚慧也卷十三注云慧僚皆意精明也虔者卷十二虔謾也注謂慧點也廣雅虔謾點慧也說文儂利也荀子非相篇風還篇揖我謂我儂今毛傳儂利也荀子非相篇鄉曲之儂子揚倮注引方言儂疾也荀子非相篇而讓義同輕薄巧慧之子也文選左思吳都賦儂佻全並劉逵注引方言儂疾也案卷十二儂度謾也佻疾也卽申釋此條之義故楊倮劉逵並牽連及之說文讓慧也趨疾也猿疾跳也荀子不苟

篇小人喜則輕而翫注如小鳥翫然或曰與懷同
淮南主術訓辨慧懷給優翫懷讓趨猿聲義並同
謾者廣雅謾慧也說文謾欺也蓋人用慧黠以欺
謾人故慧亦謂之謾也說文免部逸字注云免謾
訛善逃訛言部作訛音大和切淮南說山訓媒但
者非學謾佗佗與訛通說文沈州謂欺爲訛注云
謾訛倒言之則曰訛謾楚辭九章或訛謾而不疑
洪興祖補注訛謾皆欺也慤者廣雅慤慧也玉篇
廣韻並同盧氏云今俗以小兒慧者曰乖當是慤
之轉音郭氏音慤玉篇慤疾也義亦相近也捷與
捷捷並同廣雅捷慧也又捷敏亟也說文亟敏疾
也集韻捷或从人作捷楚辭離騷夫唯捷徑以窘
步豫九四朋蓋簪陸績注云捷疾也重言之則曰
捷捷大雅丞民篇征夫捷捷毛傳捷捷言樂事也
正義云捷捷舉動敏疾之貌小雅巷伯篇緝緝云
緝謀欲緝人傳云緝緝口舌聲又捷捷幡幡傳云
捷捷猶緝緝也正義曰相與謀欲爲謾譜之言以
害人若言不誠實則所言不巧是捷捷爲敏捷巧
利之意也通作截截秦誓惟截截善諷言傳云惟
察察便巧善爲辨佞之言釋文引馬融曰截截辭

語截削省要也說文漏巧言也周書曰截截善調
言論語曰友諷佞今本作便佞鄭注云便辯也謂
佞而辯又莛字注引周書曰莛莛巧言潛夫論救
邊篇云淺淺善靖言文十二年公羊傳引作淺淺
善辯言越語又安知是淺淺者乎公羊釋文引賢
達注淺淺巧言也鹽鐵論論誹篇云疾小人淺淺
面從以成人之過也然則莛莛淺淺淺淺即截截
亦即捷捷語言巧利謂之截截舉動敏捷疾謂之捷
捷其義一也諛者廣雅諛慧也玉篇同說文沈州
人謂欺爲訛訛與訛聲義並同燕策曰寡人甚不
喜訛者言也王氏念孫廣雅疏證云大雅民勞篇
無縱詭隨以謹無良詭隨古讀若果隨古讀若隨
其假借字也毛傳詭隨詭人之善隨人之惡者以
謹無良慎小以懲大也正義云大於詭隨詭隨者
尚無所縱則無良謹慎矣案詭隨無良之人亦無大
訓詁人之善隨人之惡詭隨即無良之人亦無大
惡小惡之分蓋謂諛詐欺設之人也點鬼者廣雅
點鬼慧也玉篇點慧也卷十度僂諛也注云謂慧
點也史記貨殖傳云桀點奴漢書趙充國傳召先
零諸豪三十餘人以尤桀點皆斬之顏師古注點

惡也蓋謂奸惡也大戴禮官人篇畸鬼者不仁盧
辨注恃禱祀而不自脩也荀子脩身篇倚魁之行
楊倛注倚奇也魁大也謂偏僻狂怪之行案倚魁
與畸鬼同皆登韻字猶詭隨也注家皆失之注云
鬼倛者卷十倛慧也注云今名點鬼倛潘岳射雉
賦云靡聞而驚無見自覺徐爰注引方言注云俗
謂點爲鬼脈言雉性驚
鬼點脈覺並與倛同

娥嬪好也秦曰娥注言娥娥也宋魏之間謂之嬪注

言嬪嬪也秦晉之間凡好而輕者謂之娥自關而

東河濟之間謂之媼注今關西人亦呼好爲媼或

謂之姣注言姣潔也趙魏燕代之間曰姝注亦四

方通語或謂之姝注言姝容也自關而西秦晉之

故都曰妍注秦舊都今扶風雍邱也晉舊都今太

原晉陽縣也其俗通呼好爲妍好其通語也

音義

嬾音盈媼莫交反姣音狡姝昌朱反又音株姝音

蜂妍五千反一作忤○案音株上舊本無又字今

從戴本補俗本無一作忤○案音株上舊本無又字今

一作某者疑出於晁公武子止氏案晁讀書志云

予傳方言本於蜀中後用國子監刊行本校之多

所是正其疑者兩著之據此則爲晁所加無疑矣

今亦無攷

姑仍其舊

子揚朱篇鄉有處子之娥姣者史記外戚傳邢夫

人號姣娥漢先生郭輔碑娥姣三妃行追太姒古

詩十九首娥娥紅粉妝宋玉神女賦其狀峩峩何

可極言娥與峩字異義同嬾者廣雅嬾好也廣韻

嬾美好貌史記趙世家吳廣女名娃嬴重言之則

日嬴嬴廣雅嬴容也嬴嬾古今字古詩十九首

盈盈樓上女李善注盈與嬴古字通自關而西河

濟之間謂之媼者史記高帝紀沛公西畧地入關

與諸將約先入定關中者王之索隱引韋曜云函

谷武關也又三輔舊事云西以散關爲限東以函

谷爲界三關之中謂之關中漢書地理志宏農郡漢置宏農郡宏農故秦函谷關晉書地理志宏農郡漢置宏農本函谷關漢武帝遷於新安今河南陝州靈寶縣是關西謂靈寶及閩鄉以西也說文媼目裏好也是列子周穆王篇簡鄭衛之處子娥媼曼者張漢注娥媼姣好也姣者說文姣好也廣雅媼姣好也玉篇姣妖媚也荀子非相篇古者桀紂長巨姣美楊倥注姣好也列子楊朱篇云豐屋美服厚味姣色楚辭九歌靈偃蹇以姣服史記蘇秦傳後有長姣美人鹽鐵論殊路篇夫醜者自以爲姣故不飾通作佼陳風月出篇佼人僚兮釋文佼字又作姣好也墨子尙賢中篇面目佼好則使之姣者說文姣好也鄘風干旄篇彼姣者子宋玉神女賦貌盈以莊姣兮說文姣好也引詩靜女其姣人姣佳好也亦引詩靜女其姣今邽風靜女篇作姣毛傳姣美色也廣雅姣好也姣好也姣好也姣好也姣好也廣雅姣好也卷十三姣媼好也注云謂姣媼也說文媼好也鄭風丰篇子之丰兮毛傳丰豐滿也釋文方言作姣丰丰姣亦同注言姣容者玉篇姣容好貌廣韻丰茸美好也姣容姣媼丰茸皆語之轉耳

義並同也自闕而西秦晉之故都曰妍者史記秦本紀德公元年初居雍城大鄭宮徐廣曰今縣在扶風正義引括地志岐州雍縣南七里故雍城秦德公大鄭宮城也漢書地理志右扶風雍秦德公都之晉書地理志扶風郡雍縣今陝西鳳翔府鳳翔縣是其處雍縣故城在縣南班固云雍縣有五時亦在今縣南雍山在縣西北三十里雍水出焉漢書地理志太原郡晉陽故唐國周成王滅唐封弟叔虞晉志作太原國晉陽今山西太原府太原縣其地也縣壘山在縣西南十里一名龍山班固曰晉湯龍山在西北晉水所出東入汾今山麓有晉祠祀唐叔虞卽水發源處廣雅妍好也玉篇同陸機文賦序妍蚩好惡可得而言李善注妍蚩亦好惡也說文妍慧也慧與好義相近妍一作妍廣雅妍好也善也曹憲並音汗玉篇妍善也善與好義亦相近下卷二云妍好也玉篇同又音午漢切

近義同

烈枿餘也

注

謂遺餘也陳鄭之間曰枿晉鄭之間曰

烈秦晉之間曰肄

注

傳曰夏肄是屏或曰烈

音義

肄五割反

箋疏

烈餘釋詁文說文烈餘也大雅雲漢序宜王承厲王之烈鄭箋同通

作裂齊語

戎車待游車之裂

戎士待臣妾之餘餘

裂對文是裂亦餘也韋曜注裂殘也說文裂繇餘

也家君曰漢書終軍傳關吏與軍繇蘇林注繇帛

邊也舊闕出入皆以傳傳煩因裂繇頭合以爲符

信也既濟六四繇有衣袽集解引盧氏云繇布帛

端末之織也端末猶帛邊春秋傳紀裂繇字子帛

皆取餘之義又通作利廣雅裂餘也左思魏都賦

奉餘徒裂玉篇裂音力制反王念孫云小雅都人

士篇垂帶而厲毛傳厲謂帶之垂者蓋垂帶之餘

以爲飾故下云帶則有餘也厲與裂亦同義厲烈

古同聲祭法厲山氏昭二十九年左氏傳作厲盡不遐

氏大雅思齊篇烈假不瑕唐公房碑作厲盡不遐

其證也辨者爾雅辨餘也說文作檝云伐木餘也

引商書盤庚篇曰若顯木之有岢檝或作檝古文

作不又作桡又岢字注引書作岢桡家君曰桡卽

桡之說今書作出檝商頌長發篇有桡三檝毛傳

槩餘也漢書敘傳劉德注引作楸云謂本斫髡而

復生楸也魯語山不槩材詳綜注槩與楸古字同又

東京賦尋木起於槩材詳綜注槩與楸古字同又

山無槩楸注云斬而復生曰楸淮南似真訓一人

養之十人板之則必無餘梓又本經訓山無峻幹

林無栢梓亦高誘注釋栢為桑訓梓為滋生則非木

名蓋梓亦即梓字傳寫之譌桑栢易生之物而無

餘楸極言其焚削也玉藻篇公子曰臣孽鄭注孽

當為楸說文衣服歌謠草木之怪謂之妖禽獸蟲

蝗謂之蠶漢書五行志凡草木之孽則牙孽矣說文孽

天胎言尚微蟲多之類謂之孽則牙孽矣說文孽

斷也斷而復萌亦其餘也又槩牙米也牙米與庶

孽同意又支劉骨之殘也讀若槩岸之槩骨之殘

謂之支猶木之餘謂之楸也注謂遺餘遺字舊本

悞作烈卷二子蓋餘也注云謂遺餘今據以改正

肆餘語之轉也廣雅釋木肆楸也周南汝墳篇伐

其條肆毛傳肆餘也斬而復生曰肆襄二十九

左氏傳夏肆是屏杜注肆餘也又女叔侯曰杞夏

餘也是肆為餘也曲禮斂髮無髡鄭注髡髮也母

垂餘如髮也髡或為肄玉藻肆束及帶鄭注肆讀

為肄肄餘也。鬚肄義並與肄同。盧氏云肄卽肄字。肄餘音以自反讀以世反。悞。

台胎陶鞠養也。台猶頤也。晉衛燕魏曰台。陳楚韓

鄭之間曰鞠。秦或曰陶。汝潁梁宋之間曰胎。或曰

艾。

爾雅云艾養也。

音義

台音怡。○案爾雅疏引怡作頤。

疏

之

言頤也。序卦傳頤者養也。爾雅釋詁同。說文臣頤也。象形篆文作頤。籀文作罷。釋名頤養也。動於下止於上。上下咀物以養人也。廣雅頤養也。案頤訓爲養。既見爾雅。則廣雅之頤當爲台字。台與臣通。說文宦養也。室之東北隅。食所居也。又飴米粢煎也。呂氏春秋孟冬紀云。仁人之得飴以養老。侍疾也。淮南說林訓柳下惠見飴曰。可以養老。以食養人。謂之台。亦謂之頤。室之可藏食者。謂之宦。食之可養人者。謂之飴。義並相因也。胎者釋詁胎始也。眾經音義卷一引爾雅胎始養也。蓋引舊注之文。誤脫注字耳。釋文云胎本作台。胎从台聲。台訓爲養。故胎亦訓養也。陶者廣雅陶養也。太元元禮云。

資陶虛無而生乎規范望注陶養也鞠者小雅蔘
我篇母兮鞠我毛傳鞠養也爾雅育養也周頌思
文篇帝命率育鄭箋育養也夏小正雞桴粥粥
養也周官脩鞠之言穀也廣雅穀養也小雅小弁篇
古並同聲鞠之言穀也廣雅穀養也小雅小弁篇
民莫不穀甫田篇以穀我士女鄭箋並云穀養也
爾雅穀生也又云東風謂之谷風孫奕注生長之
風鞠穀谷聲義並同道德經之谷風孫奕注生長之
作浴注浴養也浴與鞠聲亦相近生爲養之始故
養與始義相近養謂之台亦謂之胎猶人之始謂
之胎傷之始謂之飴養謂之鞠猶人之始謂之育
酒之始謂之鞠也說文鞠酒母也是也說文汝水
出宏農盧氏還歸山東入淮漢書地理志云汝南
郡定陵高陵山汝水出東南至新蔡入淮淮南地
形訓汝出猛山水經汝水出河南梁縣勉鄉西天
息山注地理志曰出高陵山即猛山也亦言出南
陽魯陽縣之大孟山又言出宏農盧氏還歸山博
物志曰汝出燕泉山並異名也史記正義引括地
志云源出汝州魯山縣西伏牛山亦名猛山至豫
州鄆城縣名濟海內東經汝水出天息山在梁勉

鄉西南入淮極西北一日淮在期思北郭注今汝

水出南陽魯陽縣大孟山東北至河南梁縣東南

經襄城潁川汝南至汝陰襄信縣入淮淮極地名

期思縣屬弋陽案水經云汝水東至原鹿縣南入

於淮注云所謂汝口側水有汝口戍淮汝之交會

也汝陰郡襄信見晉書地理志又思期屬弋陽郡

漢志思期弋陽並屬汝南郡今汝源出天息山

由許州鄆城縣流入汝甯府西平縣此古汝水舊

道也元末因汝水泛溢爲蔡害於汝甯府舞陽場

斷故汝遂以灤水及西平縣西雲莊諸山水爲汝

水上源及明嘉靖中西平水斷汝水祇上承遂平

濯灑諸水流繞汝甯府城而東下蓋汝源變易今

古不同矣說文潁水出潁川陽城乾山東入淮漢

書地理志潁川郡陽城潁川陽城乾山潁水所出東至下

蔡入淮水經潁水出潁川陽城縣西北少室山注

引地理志云又云今潁水有三源奇發右水山

陽乾山之潁谷中水導源少室通阜東南流逕負

黍在潁川陽城縣西南二十七里東與右水合左

水出少室南山谿東合潁水故作者互舉二山也

海內東經潁水出少室山人淮西鄆北郭注今潁

水出河南陽城縣乾山東南經潁川汝陰至淮南
下蔡入淮鄆今鄆陵縣屬潁川鄆漢志作偃晉志
作陽並同經又云少室山在雍氏南一曰織氏注
縣屬河南案漢晉志並云河南郡緱氏今河南河
南府偃師縣是也東南與少室接艾者小雅南山
有臺篇保艾爾後駕鴛鴦篇福祿艾之毛傳並云艾
養也釋文徐又音刈刈與又同益稷萬邦作又周
頌思文篇正義引鄭注云又養也注引爾雅艾養
也釋
詰文

憊憊憊牟愛也韓鄭曰憊晉衛曰憊 **憊** 憊檢多意氣

也汝潁之間曰憊宋魯之間曰牟或曰憊憊通語

也

音義

憊音淹 憊音淹 反

說文

說文愛行貌也心部惠

惠惠字經典通作愛憊憊者下文又云憊愛也宋
衛邠陶之閒曰憊或曰憊說文憊愛也韓鄭曰憊
釋言憊救撫也注憊愛撫也撫與憊同釋詰憊愛
也注云憊韓鄭語案憊憊古同聲方言之憊爾雅

之慄實一字也說文慄慄也讀若侮小雅小旻篇
民雖靡靡韓詩作腓大雅騶篇周原膺膺劉達注
魏都賦引作腓腓李善曰韓詩作腓腓其例也愛
謂之慄亦謂之慄猶撫謂之慄亦謂之敷也掩與
掩亦同慄掩猶撫也釋訓矜憐撫掩之也郭注
撫掩猶撫拍謂慰恤也又卷六掩愛也愛與愛古
字通掩愛語聲之轉耳憐者下文憐愛也陳楚江
淮之間謂之憐又卷七憐職愛也言相愛憐者吳
越之間謂之憐職下文又云憘憐哀也釋名哀愛
也愛乃思念也呂氏春秋報更篇人主胡可以不
務哀士高注哀愛也哀與愛聲義並相近故愛謂
之憘哀亦謂之憘哀謂之憐愛亦謂之憐釋詁疏
全引此條文或曰上有素字誤衍牟之言憘也釋
詁憘愛也廣雅牟愛也字通作恡玉篇恡貪愛也
荀子榮辱篇恡恡然唯利飲食之見是狗彘之勇
也又云恡恡然唯利之見是賈盜之勇也楊倞注
恡恡愛欲之貌引方言牟愛也宋魯之間曰牟牟與恡同

悽慄矜悼憐哀也

釋

悽亦憐耳齊魯之間曰矜陳楚

之問曰悼趙魏燕代之問曰悽自楚之北郊曰慙

秦晉之問或曰矜或曰悼

音義

悽音

義疏

廣雅悽慙哀也

卷六悽憐也悽憐聲之轉故注云悽亦憐耳慙之

言撫也釋訓矜憐撫掩之也注云撫掩猶撫拍謂

慰卹也餘詳卷六悽慙憐也條矜者呂刑篇矜我

一日釋文引馬融云矜哀也宣十五年公羊傳吾

聞君子見人之厄則矜之經典多以哀矜連文是

矜哀同義也案矜古音讀如鄰毛詩與天孫民句

填字叶小雅鴻鴈篇爰及矜人毛傳矜憐也釋言

矜苦也義並同也釋文本作齡廣雅亦作齡猶哀也

齡與矜同悼者檜羔裘篇中心是悼鄭箋悼猶哀

傷也曲禮七年曰悼鄭注悼愛也愛猶哀也逸周

書蓋法解年中早夭曰悼獨斷云中年早折曰悼

皆哀其年壽之短促也憐者說文憐哀也案凡相

憐者必相愛故釋名曰哀愛也愛乃思念也呂氏

春秋報更篇云人主胡可以不衰士高注哀愛也

檀弓哭而起則愛父也愛與哀聲近義亦相通哀

謂之慙亦謂之憐故愛謂之慙亦謂之憐也上文

卷一

十

江嶺山房校本

云憺憺

愛也

啗唏忤怛痛也凡哀泣而不止曰啗哀而不泣曰唏

於方則楚言哀曰唏燕之外鄙注鄙邊邑名朝鮮

洌水之間注朝鮮今樂浪郡是也洌水在遼東少

兒泣而不止曰啗注少兒猶言小兒自關而西秦

晉之間凡大人少兒泣而不止謂之啗器極音絕

亦謂之啗平原謂啼極無聲謂之啗注今關西

語亦然楚謂之噉咷齊宋之間謂之啗或謂之怒

音義

啗香遠反唏虛几反忤音的一音灼洌音烈

啗正尙反啗音亮噉咷叫逃兩音字或作啗

音求暗音蔭

變

啗者說文朝鮮謂兒泣不止曰

怒奴歷反

啗从口宣省聲漢書外戚傳悲

愁於邑喧不可止今顏師古注朝鮮之間謂小兒
泣不止爲喧音許遠反喧與咍通卷十二爰哀也
楚辭九章曾傷爰哀永歎喟兮爰咍古同聲通用
齊策狐咍漢書古今人表作狐爰其說也下卷逞
苦了快也注云今江東人呼快爲咍音相緣反說
文快喜也痛與泣謂之咍快亦謂之咍音相反爲義
也咍咍聲亦相近尙書大傳武王勝殷釋箕子之
囚箕子不忍爲周之釋走之朝鮮武王聞之囚以
朝鮮封之淮南人間訓東結朝鮮高誘注朝鮮樂
浪漢書地理志樂浪郡武帝元封三年開屬幽州
應劭曰古朝鮮國也晉書地理志樂浪郡朝鮮周
封箕子地案今奉天府東南海城蓋平復州甯海
等其地也海內北經云朝鮮在列陽東海北山南
列陽屬燕注云朝鮮今樂浪縣箕子所封也列亦
水名也今在帶方帶方有列口縣漢書地理志遼
東郡望平大遼水出塞外南至安市入海行千二
百五十里元菟郡高句驪遼山遼水所出西南至
遼隊入大遼水又樂浪郡吞列分黎山列水所出
西至黏蟬入海行八百二十里又含資帶水西至
帶方入海又帶方列口並屬樂浪郡晉書地理志

列口屬帶方郡列與列同啼者說文哀痛不泣曰
啼史記十二諸侯年表淮南說山訓並云紂爲象
箸而箕子啼張衡思元賦慨舍啼而增愁成十六
年公羊傳啼矣何休注啼悲也說文獻歎也歎歎
也合言之則曰獻歎歎歎泣餘聲也字亦作噓啼音
義卷五引蒼頡篇獻歎泣餘聲也字亦作噓啼音
稀歎字異義同痛謂之啼笑亦謂之啼相反爲義
也說文啼笑也竹怛者廣雅竹怛痛也衆經音義
卷五竹痛也玉篇同後漢書楚王英傳既知審實
懷用悼灼灼與竹通說文怛憊也憊痛也廣雅怛
蛆痛也檜匪風篇中心怛兮毛傳怛傷也正義怛
者驚痛之言故爲傷也表記云中心憊怛楚辭哀
時命疾憊怛而萌生史記屈原賈生傳疾痛慘怛
漢書外戚傳云思若流波怛今在心衆經音義卷
一云毒螫式亦反字林蟲行毒也關西行此音又
音呼各反山東行此音蛆知列反南北通語也又
卷十引字林云蛆螫也傷二十二年左氏傳疏引
通俗文蠟毒傷人曰蛆玉篇奴葛切痛也又云
蝥陟列切蝥螫也又作蛆列子楊朱篇蝥於口慘
於腹張湛注云慘蝥痛也怛與蛆聲相近心有所

痛謂之怛身有所傷謂之蛆其義一也。唳，恨者也。衆經音文。秦晉謂兒泣不止曰唳。廣雅。唳，悲也。衆經音義。二引唳作恨。元應音力。尚反。云恨，恨然愁悲也。恨，唳，恨古字並通。合言之則曰唳。恨，唳，恨者說文。唳，唳呼也。曲禮。毋唳。應鄭注。唳，號呼之聲也。昭二。十五年。公羊傳。昭公於是唳然而哭。何休注。唳然哭聲貌。說文引作器。云高聲也。一曰大噉也。器與唳通。又通作警。說文警，痛呼也。重言之曰唳。唳，文選。謝靈運。登石門最高頂。詩。唳唳夜猿啼。曹植。襟詩。飛鳥繞樹翔。唳唳鳴索羣。說文。楚謂兒泣不止曰唳。咷，易同人九五。旅上九。皆言號咷。太元樂次三號咷。倚戶唳咷。與號咷同。義楚辭。傷時云。聲唳。說兮。清和王逸注。唳，說清暢貌也。唳，說與唳亦同。哭聲謂之唳。咷，歌聲亦謂之唳。咷，漢書。韓延壽傳。唳咷楚歌是也。暗之言瘖也。謂瘖啞無聲也。史記。淮陰侯傳。項王暗啞叱咤。漢書。作意烏粹。嗟音灼。注云。意烏恚怒也。莊子。庚桑楚。兒子終日嗶而嗑。不頃司馬彪注。楚人謂啼極無聲爲頃。釋文音於邁。反。崔本作喝。啞也。郭氏子虛賦。注云。喝言悲嘶也。道德經。老子終日號而不頃。釋文。頃當作噫。

玉篇作不憂。憂，暗意。噫，啞。啞，喝。憂，聲轉。字異。義並同也。怒與上竹同聲。廣雅：怒，痛也。小雅：小弁篇：我心憂傷，怒馬如擣。下云：怒傷也。玉篇：傷，痛也。傷與傷同義相通也。

悼怒悴慙傷也。

注

詩：日不慙遺一老，亦恨傷之言也。

自關而東，汝潁陳楚之間，通語也。汝謂之怒，秦謂

之悼，宋謂之悴，楚潁之間謂之慙。

音義

慙，魚反。

說文

傷，廣雅作傷。說文：傷，憂也。傷與傷通。悼者，廣雅：悼，傷也。衛風：氓篇：躬自悼矣。毛傳：悼，傷也。淮南：脩務訓：楚欲攻宋，墨子聞而悼之。高誘注：悼，傷也。怒者，說文：怒，憂也。小雅：小弁篇：我心憂傷，怒馬如擣。文選：陸機贈弟士龍詩：云行矣，怨路長。怒馬傷，別促。說文：慙，憂也。與怒同。周南：汝墳篇：怒如調。飢釋文：引韓詩作慙。衆經音義卷十六云：慙，古文怒。慙，二形。王褒洞簫賦：憤伊鬱而慙。慙，李善注：引蒼頡篇：慙，憂兒。玉篇：同音。奴的切。慙，並與怒同。悴者，廣雅：悴，傷也。曹植：朔風詩：繁華將茂，秋霜悴之。說

文悴憂也讀與易萃卦同小雅雨無正篇惜惜日
瘁陸機歎逝賦威貌瘁而抄歡李善注引若頌篇
瘁憂也瘁與悴通愁者廣雅愁傷也文十二年左
氏傳兩軍之士皆未愁也杜注愁缺也釋文魚覲
反缺也亦引此文同正義曰愁者缺之貌今人猶
謂缺爲愁也此以愁爲傷傷卽缺也說文醫缺齒
也音五轄切醫愁聲義並同又春秋昭十一年經
季孫意如會七國大夫於厥愁公羊傳作屈銀是
厥愁屈銀與缺醫亦同注引詩曰云云者小雅十
月之交篇文丁氏然云自闕而東上似脫一傷字

慎濟瞻愁溼桓憂也

注

瞻者憂而不動也宋衛或謂

之慎或曰瞻陳楚或曰溼或曰濟自關而西秦晉

之間或曰愁或曰溼自關而西秦晉之間凡志而

不得欲而不獲高而有墜得而中亾謂之溼**注**溼

者失意潛沮之名或謂之愁

音義

溼一作念反
沮一作阻

箋疏

慎者廣雅慎憂也楚辭七諫哀子胥之慎事王逸
注死不忘國故言慎事是慎爲憂也廣雅又云慎
恐也恐與憂義相近濟者廣雅濟憂也又云濟愁
也曹憲音在細反大雅板篇天之方濟毛傳濟怒
也楚辭離騷反信讒而齋怒王逸注齋疾也濟濟
齋聲義並同盧氏云濟者憂其不濟也古人語每
有相反者嗜者廣雅嗜憂也廣韻嗜閉目內思也
音潛思與憂義亦相近故爾雅云憂思也嗜之言
潛也卽下注云失意潛沮也爾雅云憂思也嗜之言
出篇勞心慘兮釋文慘憂也小雅正月篇憂心慘
慘毛傳慘慘猶戚戚也大雅抑篇我心慘慘毛傳
慘慘憂不樂也說文慘痛也廣雅同痛與憂義亦
相近故衆經音義卷二十二引說文作潛憂也楚
辭九辯云潛悽增歎兮王逸注云愴痛感動歎累
息也洪興祖補注音七感切潛慘愴聲義並相近
注云憂而不動者卽閉目內思之意也怒者說文
怒憂也小雅小弁篇云怒焉如擣召南汝墳篇怒
如調飢韓詩作愴說文愴憂貌讀與怒同陸機贈
弟士龍詩行矣怨路長怒焉傷別促李善注引方
言曰愴憂也自關而西秦晉之間或曰怒上怒字

作懈今各本並作怒按唐人注所引凡與本書字異而聲義並同者多改從本書以便省覽觀諸經正義中所引釋詁釋言文自見而文選一書爲尤甚戴氏不察輒據之以改怒作懈非是王褒洞簫賦憤伊鬱而酷慙李善引蒼頡篇慙憂貌玉篇同音奴的切衆經音義卷十六云懈古文慙怒二形是慙慙並與怒同溼者廣雅溼憂也說文溼幽溼也濕下入也釋名下濕曰濕濕憂也王充論衡氣壽篇兒生號啼之聲鴻朗高暢者壽嘶喝溼下者天荀子修身篇卑溼重滯貪利則抗以高志楊倌注溼亦謂自謙下如地之下溼然也方言溼優也自關而西凡志而不得欲而不獲高而有墜行而中山皆謂之濕亦謂之怒又不苟篇小人通則驕而偏窮則弃而倓楊注溼並作濕憂並作優古字通書無倓字楊注兩引溼並作濕憂並作優古字通虛校本據此改溼作濕非是今從舊本盧氏云濕當音他合反今吳越語猶然吳俗語憂溼溼者音如忒又案今俗以窮極無賴爲潔疲卽其義矣或曰賴疲下卷云賴讎也南楚之外曰賴注云賴亦惡名是也溼訓爲幽溼故聲之卑小者謂之溼情

性之鄙陋者謂之溼行誼之污下者意念之潛沮者皆謂之溼其義一也墨子經篇云使謂故說云使令謂謂也不必成濕故也必待所爲之成也案說文故使爲之也不必成濕是志而不得欲而不獲高而有墜得而中亡之意也桓者廣雅桓憂也上文咍痛也咍與桓痛與憂義亦相近桓之爲憂與溼同意梓材篇既勤垣墉釋文引馬融注牆卑日垣高日墉吳語云君有短垣而自喻之牆壁卑隘謂之垣意志潛沮謂之溼其義一也垣與桓通

鬱悠懷怒惟慮願念靖慎思也晉宋衛魯之間謂之

鬱悠注鬱悠猶鬱陶也惟凡思也慮謀思也願欲

思也念常思也東齊海岱之間日靖注岱太山秦

晉或日慎凡思之貌亦日慎注謂感思者之容或

日怒注鬱悠者廣雅鬱悠思也重言之日鬱鬱注日悠悠楚辭九辯獨悲愁其傷人兮馮

鬱鬱其何極王逸注思念纏結摧肺肝也憤懣盈

胸終年歲也張衡思元賦愁鬱鬱以慕遠兮鄭風

子衿篇悠悠我思釋訓悠悠思也注皆憂思合言

之日鬱悠哀三年左氏傳濟濡帷幕鬱攸從之杜

注鬱攸大氣也鬱攸與鬱悠同憂思憤盈謂之鬱

悠大氣蘊積謂之鬱攸其義一也轉言之曰鬱邑

離騷曾戲叔余鬱邑兮王逸注鬱邑憂也憂亦思

也邑亦作悒可馬遷報任少卿書是以獨鬱悒而

誰與語李善注鬱悒不通也亦曰鬱悒昭二十九

年左氏傳鬱湮不育史記夏本紀集解引賈逵注

鬱湮也湮塞也亦曰鬱伊後漢書崔寔傳智士鬱

伊於下李賢注鬱伊不申之貌引楚辭日獨鬱伊

而誰語義並與鬱悠同倒言之則曰伊鬱王褒洞

簫賦憤伊鬱而醅慙李善注伊鬱不通也義亦同

也注鬱悠猶鬱陶也者王念孫廣雅疏證曰凡經

傳言鬱陶者皆當讀如皋陶之陶鬱陶鬱悠古同

聲舊讀如陶冶之陶失之也閻氏百詩尚書古六

疏證云爾雅釋詁鬱陶縣喜也郭注引孟子鬱陶
思君禮記大喜則斯陶邢疏引孟子趙氏注象見
舜正在牀鼓琴愕然反辭曰我鬱陶思君故來又

引檀弓鄭注陶鬱陶也據此則鬱陶思君乃喜而
 思見之詞故舜亦從而喜曰惟茲臣庶汝其于
 治孟子已明言象喜亦喜蓋統括上二段情事其
 先言象憂亦憂特以引起下句非真有象憂之事
 也因悉數諸書以鬱陶為憂思之誤念孫案象日
 鬱陶思君則鬱陶乃思之意非喜之意言我鬱陶
 思君是以來見非喜而思見之詞也孟子言象喜
 亦喜者象見舜而偽喜自述其鬱陶思舜之意故
 舜亦誠信而喜之非謂鬱陶為喜也凡人相見之
 喜必自道其相思之切豈得即謂其相思之切為
 喜乎趙注我鬱陶思君故來是趙亦不以鬱陶為
 喜史記五帝本紀述象之言亦云我思舜正鬱陶
 又楚辭九辯云豈不鬱陶而思君兮則鬱陶為思
 其義甚明與爾雅訓喜者不同郭注以孟子證爾
 雅誤也閻氏必欲解鬱陶為喜喜而思君爾甚為
 不辭既不達於經義且以史記及各傳注為非徒
 矣又案爾雅悠傷憂思也悠憂思三字同義故鬱
 悠既訓為思又訓為憂管子內業篇憂鬱生疾是
 鬱為憂也說文悠憂也小雅十月之交篇悠悠我
 里毛傳悠悠憂也悠為憂也悠與陶古同聲小

雅鼓鐘篇憂心且妯衆經音義卷十二引韓詩作
憂心且陶是陶爲憂也故廣雅釋言云陶憂也合
言之則曰鬱陶九辯鬱陶而思君王逸注云憤念
蓄積盈匱臆也魏文帝燕歌行云憂來思君不敢
忘又云鬱陶思君未敢言皆以鬱陶爲憂凡一字
兩訓而反覆勿通者若亂之爲治故之爲今樓之
爲安臭之爲香不可悉數爾雅鬱陶絲喜也又云
絲憂也則絲字卽有憂喜二義鬱陶亦猶是也是
故善意未暢謂之鬱陶檀弓正義鬱陶亦猶是也是
鬱陶懷喜未暢意是也憂思憤盈亦謂之鬱陶孟
子楚辭史記所云是也暑氣蘊隆亦謂之鬱陶擊
虞思游賦云咸溽暑之鬱陶今余安能乎留斯夏
侯湛大暑賦云何太陽之鬱陶今余安能乎留斯夏
也事雖不同而爲鬱積之義故命名亦同闕氏
謂憂喜不同而爲鬱陶乎子心某氏傳云鬱陶言
說是也五子之歌鬱陶乎心某氏傳云鬱陶言
哀思也釋文鬱音蔚陶音桃憂思也是音讀之誤
出來已久字亦通作搖唐類函武功引樂緯稽曜
嘉云酌酒鬱搖注云鬱搖喜悅也亦可爲兼憂喜
二義之證釋詁僕惟虛願念怒慙也僕之爲思通

見經傳怒者小雅小弁篇怒焉如擣疏引爾雅舍
人注怒志而不得之思也張衡思元賦怒鬱悒其
難聊說文惟凡思也盤庚篇人惟求舊大雅生民
篇載謀載惟鄭箋詎謀其日思念其禮案惟維唯
三字並同詩作維易作唯書作惟慮者說文慮謀
思也又曰慮難曰謀小雅雨無正篇云弗慮弗圖
鄭箋云慮圖皆謀也周官大司馬云大役與慮事
鄭司農云國有大役大司馬與謀慮其事也呂氏
春秋季冬紀中壽不過六十以百與六十爲無窮
者之慮又慎大篇管子之慮近之矣高注並云慮
謀也韓非子解者篇云白公勝慮亂又云越王慮
伐吳是慮爲謀思也願者釋詁願思也衛風伯兮
篇願言思伯箋云願念也我念思伯心不能已鄭
風野有蔓草篇云邂逅相遇適我願兮疏云由不
得早婚故思相逢遇襄三十年左氏傳不感而願
大是願爲欲思也念者說文念常思也釋名念黏
也意相親愛心黏著不能忘也秦風小戎篇云言
念君子襄二十四年左氏傳引夏書曰念茲在茲
是念爲常思也釋言念也小雅四牡篇將母來
詒毛傳用釋言文魯語曰使吾無忘詒詒與念亦

聲相近東齊海岱之間曰靖者堯典云歲二月東
巡狩至于岱宗史記封禪書引尚書而釋之云岱
宗泰山也隱八年公羊傳疏引鄭注云岱宗東嶽
名也釋山云泰山爲東嶽注云在奉高縣西北漢
書地理志泰山郡奉高縣有明堂博縣有泰山祠
岱山在西北兗州山晉仍漢制泰山今在山東泰
安府泰安縣北五里嶽廟在縣城西北隅注太載
本作泰今從各本廣雅靖思也徵子云自靖人自
獻于先王班固幽通賦云靖潛處以永思兮張衡
思元賦潛服膺以永靖兮李善注引方言靖思也
爾雅靖謀也周頌我將篇曰靖四方毛傳同謀與
思義相近也慎者釋詁慎靜也廣雅慎靖思也漢
書序傳顏師古注靖古靜字王制凡聽五刑之訟
必意論輕重之序慎測淺深之量以別之表記君
使其臣得志則慎慮
而從之是慎爲思也

敦豐厖奔憮般嘏奕戎京奘將大也凡物之大貌曰
豐厖深之大也東齊海岱之間曰奔或曰憮宋魯

陳衛之間謂之嘏或曰戎秦晉之間凡物壯大謂之嘏或曰夏秦晉之間凡人之大謂之奘或謂之壯燕之北鄙齊楚之郊或曰京或曰將皆古今語也

注

語聲轉耳初別國不相往來之言也今或同

而舊書雅記故俗語不失其方

注

皆本其言之所

出也雅爾雅也而後人不知故爲之作釋也

注

釋

詁釋言之屬

音義

麗鵬鶴○盧氏云音鵬鶴此省音字下皆仿此觀史漢注中傳

音亭傳僂音僂荷亦不作音亭傳之傳音僂荷之僂也○鶴讀如麟一音麗奈音介憺海狐反般般

拒般音賈

笑

敦者下文云敦大也陳鄭之間曰

奘在助反
午日敦辨史記索隱引孫炎注敦盛辨壯也淮南
天文訓高注同漢書地理志敦煌郡應劭曰敦大

也煌盛也衆經音義卷一引蒼頡解詁曰惇古文
敦同玉篇敦大也激大水也惇淳敦聲近義同豐者
以淳耀敦大韋注淳大也惇淳敦聲近義同豐者
卷二云趙魏之郊燕之北鄙凡大人謂之豐人又
云燕趙之間言圍大謂之豐豕傳云豐大也序卦
傳豐者大也周頌豐年篇豐年多黍多稌而賦之
大也鄭箋豐年大有年也攷工記函人舉而賦之
欲其豐也鄭注豐大也楚語彼若謀楚其亦必有
豐敗也哉韋注豐大也說文豐大屋也引易豐其
屋今本作豐豐與豐通唐本說文豐从豆从山并
聲蜀本作豐豐與豐通唐本說文豐从豆从山并
承尊也說者以爲若井鹿盧其爲字从豆曲聲近
似豆大而卑矣與古本說文說正合今本經二徐
改定所謂从豆象形者乃二徐臆改不足據也至
其字或从曲或从并雖未可定要知曲从并并
二丰凡从丰之字皆有大義說文封爵諸侯之士
也籀文从丰作丰字皆有大義說文封爵諸侯之士
傳封大也昭二十八年左氏傳謂之封豕疏引賈
逵注時人謂之大豕淮南本經訓封豕脩蛇高注
封豕大豕離騷又好射夫封豕王逸注封豕大豕

也。峯達並从峯。峯从丰，洪範子孫其達馬注。達大也。儒行篇衣達掖之衣，釋文達掖大掖也。說文唵大笑也。讀若詩曰瓜瓞峯峯，曲并二字許所失收。其爲訓大無疑也。達，嗔峯聲，並與豐相近。龐者釋詁龐大也。說文龐石大也。成十六年左氏傳：民生敦龐，杜注：敦厚也。龐大也。周語云：敦龐涓固韋注同。司馬相如封禪文：湛恩龐鴻。李善注：龐鴻皆大也。後漢書朱穆傳：人不敦龐，酷吏傳論古者敦龐李賢注：並云敦龐厚大也。通作龐。素問評熱病論云：面附龐然，又壅風論：瑰然浮腫，龐與龐同。淮南說山訓：蠅象之病人之寶也。高注：蟻大蛤中有珠玉篇：龐身大也。僂五年左氏傳：孤裘龐茸，郝風：龐邱篇作蒙戎，頌長發篇爲下國。駿龐大戴禮：衛將軍文子篇作恂蒙，盧氏注云：詩爲駿龐荀子榮辱篇作駿蒙，楊倞注：蒙讀爲龐。秦風小戎篇：蒙伐有苑，鄭箋：蒙龐也。玉篇：龐大也。字亦作龐。卷二云：朦龐豐也。自關而西，秦晉之間，凡大貌，謂之朦。或謂之龐。龐，龐也。自關而西，秦晉之間，凡大貌，謂之龐。或大也。从大，介聲。祝睦後碑云：杳然清皓，漸心於道。釋詁：介大也。邢疏引方言：東齊海岱之間，謂之介。

是本亦作介也晉六二受茲介福于其王母虞注
 介大也小雅甫田篇攸介攸止釋文引王注同昭
 二十四年左氏傳而問於介衆又哀十四年傳逢
 澤有介麋焉杜注張衡思元賦遇九皋之介鳥兮
 舊注司馬相如封禪書以登介邱服虔注並同釋
 器圭大尺二寸謂之玠說文玠大圭也周書曰稱
 奉介圭今顧命篇作介圭玠古字並通衆經
 音義卷十五引字指云礪斫雷大聲也案介訓爲
 大亦訓爲小豫六二介於石虞注介織也釋文介
 古亦作斫馬融本作拊云拊觸小石聲地官司市
 胥師賈師澁於介次鄭注介次市亭之屬別小者
 也卷二云斫怒也小怒曰斫賈誼服鳥賦細故蒂
 芥師古注小雙也莊子逍遙篇釋文引李注芥小
 草也廣雅醜斫小骨礪斫小石皆以相反爲義也
 說文芥讀若蓋宋玉高唐賦燔震天之礪礪揚子
 甘泉賦登長平兮雷鼓礪礪李善注引字指礪大聲
 也王褒洞簫賦云聲礪礪而澗淵李善注引字林
 云礪大聲也漢書司馬相如子虛賦云礪石相擊
 硠硠礪礪若雷霆之聲史記作礪礪說文礪礪石
 聲音苦盍切衆經音義卷十七元應云今江南凡

言打物破曰磕破亦大聲也磕磕聲並與奔相近
義亦同也慙舊本作慙今從盧本作慙爾雅慙大
也公食大夫禮士羞庶羞皆有大鄭注大以肥美
者特爲鬻所以祭也魚謂之慙慙大也天官腊人
應胖之事後鄭云應與大亦一也賈疏以爲釋詁
文小雅小旻篇民雖靡應釋文慙大也節南山篇
則無應仕鄭箋云無厚任用之置之孔疏以爲釋
也又巧言篇亂如此慙毛傳慙大也孔疏以爲釋
詁文後漢書崔琦傳德用不慙李賢注慙大也釋
名大屋曰廡廡也管子國蓄篇云夫以室廡篇無
謂之毀成房元齡注小曰室大曰廡禮投壺篇無
慙無敖大戴記作無荒無敖爾雅注引詩遂慙大
東今魯頌閔宮篇作遂荒大東唐風蟋蟀篇好樂
無荒大雅公劉篇幽居允荒毛傳並云荒大也說
文荒水廣也引泰九二包荒用馮河今本作荒廣
雅兪大也荒與慙聲義同荒從兪聲兪从厶聲慙
从無聲無亦从厶聲慙轉爲荒猶厶轉爲無也般
者廣雅般大也从公孫丑篇般樂怠敖盡心篇般樂
飲酒趙岐注並云般大也士冠禮注云弁名出於
槃槃大也言所以自光大也說文幣覆衣大巾也

或以爲首鞞鞞大帶也屯初九鞞桓釋文云本亦

作盤又作榮訟上九或錫之鞞帶釋文引王肅作

樂口訣義引馬融曰鞞帶大帶衣也李善注文選

嘯賦引聲類云磬大石也荀子富國篇則國安於

盤石楊倞注盤石盤薄大石也枚乘七發刺盤涌

裔李善注盤謂盤磬廣大貌義並與般同說文伴

大貌大學心廣體胖鄭注胖猶大也漢書李陵傳

一半冰顏師古注半讀曰判判大也衆經音義

卷二判古文胖又作胖同伴胖判半聲並與般相

近般者釋詁般大也說文般大遠也小雅賓之初

筵篇錫爾純嘏大雅卷阿篇純嘏爾常矣毛傳並

云嘏大也特牲饋食禮進聽嘏鄭注受福曰嘏嘏

長也大也待尸授之以長大之福也玉篇嘏音加

下切大也禮運篇脩其祝嘏釋文嘏本作假古雅

反祝嘏莫敢易其常嘏是爲大假鄭注假亦大也

又家人九五王假有家釋文引馬融注假大也音

更白反徐古牙反又通作格少牢饋食禮以嘏子

主人鄭注嘏大也子主人以大福古文嘏爲格士

冠禮孝友時格注云今文格爲嘏是假格並與嘏

通也奕者釋詁奕大也說文同太元格次六云往

小來奕漢書序傳奕世宏業顏師古曰奕大也通
作亦周頌豐年篇亦有高廩噫嘻篇亦服爾耕鄭
箋並云亦大也疏云亦大釋詁文彼亦作奕音義
同重言之曰奕奕小雅巧言篇奕奕寢廟毛傳奕
奕大貌大雅韓奕篇奕奕梁山毛傳奕奕大也又
通作繹魯頌閟宮篇新廟奕奕周官隸僕注作繹
繹玉篇繹大也揚子甘泉賦望通天之繹繹李善
注引韓詩章句云繹繹盛貌盛與大同意釋繹猶
奕奕矣戎者釋詁戎大也盤庚篇乃不畏戎毒于
遠邇某氏傳戎大也大雅縣篇戎醜攸行周頌烈
文篇念茲戎功毛傳並云戎大也定八年穀梁傳
大武者王之戎也釋畜馬八尺爲駮釋文作
戎云本或作駮釋草戎菽謂之荏菽邢疏引孫炎
注大豆也案荏從任聲任從壬聲釋詁壬大也抑
風燕燕篇仲氏任只毛傳任大也戎與任並訓大
故戎菽聲轉而爲荏菽生民疏引樊光舍人李巡
及郭氏皆云今以爲胡豆案周書謚法解云胡大
也廣雅同是胡豆猶言大豆與戎菽荏菽同義疏
又引郭氏云春秋齊侯來獻戎捷穀梁傳曰戎菽
也管子亦云北伐山戎出冬蔥及戎菽布之天下

今之胡豆也郭用舊說誤會胡戎二字之義以爲
來自山戎故名胡豆果如所言齊桓伐山戎始布
其種則后稷所藝何時既絕至齊桓而復布其種
耶且禮有戎車不可謂之胡車明戎菽以大得名
也戎之言重也凡物之大者必重儒行篇引重鼎
不程其力鄭注重鼎大鼎也襄四年左氏傳武不
可重史記晉世家集解引服虔注重大也言武事
王篇裸將于京毛傳京大也桓九年公羊傳京者
何大也文九年穀梁傳京大也莊二十二年左氏
傳莫之與京史記陳杞世家集解引賈逵注張衡
東京賦京邑翼翼薛綜注並同大雅皇矣篇依其
在京毛傳京大阜也管子輕重下篇有新成京困
者二家房元齡注大困曰京京之言景也釋詁景
大也小雅楚茨篇以介景福鄭箋景大也鄒風定
之方中篇景山與京毛傳景山大山白虎通義封
禪篇景星者大星也景與京聲有輕重耳揚子羽
獵賦騎京魚顏師古注京大也或讀爲鯨鯨皆大
也漢書賈誼傳橫江湖之鱣鯨如瀟曰鱣鯨皆大
魚也臣瓚曰鯨魚長者長數里淮南覽冥訓鯨魚

死而彗星出高注鯨魚大魚長數里說文鱣海大
魚也春秋傳曰取其鱣或作鯨廣州記云鯨鯢長
傳杜注鯨鯢大魚名疏引裴淵廣州記云鯨鯢長
百尺雄曰鯨雌曰鯢目即明月珠故死而不見眼
睛也周處風土記鯨鯢海中大魚也俗說出入即
爲潮水說文廬大鹿也牛尾一角或作廬衆經音
義卷十六引宇林廬似鹿而大一角也案中地理志
尸山其獸多廬郭注似鹿而小黑色漢書地理志
山多廬廬顏師古云廬似鹿而大廬似鹿而小獸
之大者謂之廬小者亦謂之廬猶魚之大者謂之
鯢小者亦謂之鯢也釋魚鯢大者謂之蝦莊子外
物篇守鯢鮒釋文引李頤注鯢鮒皆小魚也亦以
相反爲義也左傳取其鯢鮒猶言取其大小與孟
子反其旄倪同意旄爲老倪爲小猶言老小非有
異義也注家不得其解淺人又造鯢鮒之說
或人甚矣大謂之京自尊大亦謂之矜其義一也
表記云君子矜而不莊莊注矜謂自尊大也通作
齡廣雅齡大也說文衾大被也聲亦與京相近柴
者說文裝駟大也通作壯釋壯大也月台仲夏
之月養壯俊楚詞天問何壯武厲王逸注云壯大

也太元元告四時不俱壯范望注同莊子天下篇
不可與壯語釋文一本作壯大也釋天太歲在午
曰敦牂史記律書索隱引孫炎云敦盛牂壯也言
萬物盛壯說文契亥疆大也牂安身之坐者从木
月聲徐鉉曰牀从木月則牀之省象人衮身有所
倚著牆壯戕狀之屬並當从牀省聲李陽冰言木
右爲片左爲月音牆說文無月字其書亦異妄也
今按月卽疒字說文疒倚也人有疾病象人倚著
之形音女尼切又仕莊切是月卽疒字彳音牀廣韻疒
疾也尼尼切又仕莊切是月卽疒字彳音牀廣韻疒
並同篆文疒當作疒不從一古文作彳音牀廣韻疒
倚著之形牆壯戕牀等字並從彳聲縮文牆作牆
牆二形卽从古文彳又牆堯廟碑作牆韓敕後碑
作牆莊孫叔敖碑作莊裝王純碑作表其明證也
李謂左木爲月徐謂說文無月字皆非也將與矣
同釋詁將大也周南穆木篇福履將之周頌我將
篇我將我享毛傳並云將大也鄭風溱洧篇伊其
將譏周頌臣工篇將受厥明鄭箋並云將大也幽
風破斧篇哀我人斯亦孔之將毛傳將大也鄭箋
云此言周公之哀我民人其德甚大也孔子閒居

無體之禮日就月將鄭注就成也將大也使民之
傲禮日有所成至月則大矣定十四年左氏傳闕
廬傷將指杜注其足大指見斬于罕肩固天縱之
將聖孔安國注云言天固縱之以大聖之德射義
幼壯孝弟鄭注壯或為將內則篇炮取豚若將鄭
注將當為牂牁羊也凡物之牡者必大壯牂字
並與將通夏者釋詁夏大也下又云夏大也自關
而西秦晉之間凡物之壯大而愛偉之謂之夏周
鄭之問謂之假周頌時邁篇肆于時夏毛傳夏大
也鄭箋云樂歌大者稱夏襄二十九年左氏傳夏大
之歌秦日此之謂夏聲夫能夏則大大之至也太
平御覽二十三引崔靈恩三禮義宗云夏大也至
此之時物乃長大故以為名荀子正論篇令行於
諸夏之國謂之王楊倬注夏大也中原之大國呂
氏春秋慎行篇夏海之窮高注夏海大冥也秦風
權輿篇於我乎夏屋渠渠毛傳夏大也鄭箋云言
君始於我厚設禮食大具以食我淮南本經訓乃
至夏屋宮駕高注夏屋大屋也說林訓云大履成
而燕雀相賀履與夏同鄉飲酒義夏之言假也養
之長之假之仁也鄭注假大也漢書律厯志假大

也物假大乃宜平假與夏聲近義同故秦晉之間
謂之夏周鄭之間謂之假矣初別國不相往來之
言云云者揚子自明作此方言之指也戴氏云雅
記故俗謂舊書常記故俗之語不失其方而後人
不知故爲作方言以釋之郭氏皆誤丁氏杰曰漢
書序傳函雅故通古今故如詩魯故韓故之故與
詁同雅當如郭氏解若以雅爲常下節古雅訓古
常尤不成辭且舊書二字亦不類漢人句法盧氏
云書雅當連文記謂記載故謂訓故俗語鄉俗之
語爲之作釋乃自明其作書之意此則不當如郭
所云耳釋名云爾雅爾昵也昵近也雅義也義正
也五方之言不同皆以近爲主也張晏漢書注云
爾近也雅正也論衡是應篇云爾雅之書五經之
訓故漢書藝文志云書有大小夏侯解故詩有魯
故韓故齊后氏故孫氏故毛詩故訓傳通作詁說
文詁訓故言也古也也从十口識前言者也大雅
蒸民篇古訓是式手傳古訓先王之訓也爾雅
釋文引張揖雜字云詁者古今之異語也詩釋文
云詁故皆是古義所以兩行然前儒多作詁解而
章句有故言郭注爾雅則作釋詁樊光孫本等皆

爲釋故是也釋詁邢疏引郭注謂作
釋詁釋言之屬比今本多謂作二字

假格

注

古格字懷摧詹戾艘

注

古屈字至也邠唐冀

充之間曰假或曰格

注

邠今在始平漆縣唐今在

太原晉陽縣齊楚之會郊

注

兩境之間或曰懷摧

詹戾楚語也

注

詩曰先祖于摧六日不詹魯侯戾

止之謂也此亦方國之語不專在楚也艘宋語也

皆古雅之別語也

注

雅謂風雅今則或同

音義

假音

駕○盧氏云

箋疏

說文假非真也一日至也虞書

本亦音格

箋疏

日假于上下古額切周頌噫嘻

正義引鄭注云言堯德光耀及于四海之外至于
天地今書作格家人九五王假有家釋文音古白
切至也徐古牙反漢文辭王假有廟釋文庚白反
云梁武音賈說文又云假至也古雅切益稷篇祖

考來格後漢書章帝紀作假西伯戡黎篇格人元
龜史記殷本紀作假假格字異義並同也注格
古格字下文裕登也梁益之間曰格注云格亦訓
來釋詁格陞也鄭注引方言梁益曰格是格格古
今字也邠在今始平漆縣云云者漢書地理志右
扶風漆水在縣西邠邑有邠鄉詩邠國公劉所
都後漢興平元年以縣置新平郡晉書地理志新
平郡漆水在西汾邑案說文汾西極之水也爾
雅曰西至于汾國謂之四極幽汾並與邠同汾卽
汾之訛也今陝西邠州三水縣其地也故幽城在
縣西邠邑故城在縣東北二十五里又漢書地理
志太原郡晉陽故詩唐國晉仍舊制今山西太原
府晉陽縣是懷者釋詁懷至也邠風泉水篇有懷
于衛靡日不思鄭箋懷至也以言我有所至于衛
我無日不思也小雅鼓鐘篇淑人君子懷允不忘
鄭箋云懷至也古者善人君子其用禮樂各得其
宜至信不可忘表記引詩聿懷多福鄭注聿述也
懷至也言述行上帝德以至千多福也後漢書張
衡傳天爵高縣得之在命或不速而自懷或羨旂
而不臻是懷爲至也推者釋詁推至也大雅雲漢

篇先祖于推毛傳用釋詁文張衡東京賦五精帥
而來推詳綜注推至也言五帝總集至明堂也詹
者釋詁詹至也小雅采芣篇五日爲期六日不詹
毛傳同鄭箋云五日六日者五月之日六月之日
也期至五月而歸今六月猶不至張衡思元賦黃
靈詹而訪命今舊注詹至也會郊者釋詁會合也
廣雅會聚也鮑照蕪城賦云四會五達之莊李善
舞鶴賦注云會四會之道釋地邑外謂之郊呂氏
春秋士節篇及之國郊高注郊境也故云兩境之
間也戾者釋詁戾至也小雅小宛篇翰飛戾天毛
傳四月篇鄭箋並云戾至也采芣篇其飛戾天毛
傳魯語天災流行戾于敝邑韋注張衡東京賦羣
后旁戾辭綜注並同小雅采芣篇亦戾矣毛傳
訓止鄭箋訓至與止義相近故大雅抑篇淑慎
爾止魯頌泂水篇魯侯戾止毛傳並云止至也大
學一人貪戾鄭注引春秋傳曰登戾之今隱五年
公羊傳作登來之來與戾聲轉義同釋詁來至也
故至謂之恪亦謂之懷來謂之恪亦謂之懷卷二
云恪來也自闕而東周鄭之郊齊魯之間或曰恪
或曰懷般者釋詁般至也說文般然著沙不行也

讀若莘著沙不行亦至之意也司馬相如大人賦
糾蓼叫界隕以艘路兮徐廣注艘至也釋詁釋文
引孫炎注艘古屈字說文屈行不便也一日極也
大禹謨無遠弗届某氏傳届至也小雅節南山篇
君子如届俾民心闕鄭箋届至也如行至誠之道
則民鞠誦之心息小弁篇譬彼舟流不知所届鄭
箋届至也狀如舟之流行無制者不知終所至也
釋言届極也釋詁極至也極與戒同義届之言戒
也商頌烈祖篇亦有和羹既戒既平醜假無言時
靡有爭毛傳云戒至嚴總假大也孔疏云言戒至
者謂恭肅敬戒而至非訓戒爲至也家君曰艘届
古同聲届與戒字亦通采菽篇君子所届晏子春
秋諫上篇引詩届作誠是其例也訓戒爲至孔氏
不知古訓音義相兼以爲恭肅敬戒而至非訓戒
爲至失之注雅謂風雅者詩序云風風也教也風
以動之教以化之詩者志之所之也在心爲志發
言爲詩詩有六義焉一日風五日雅上以風化下
下以風刺上主文而誦諫言之者無罪聞之者足
以戒故曰風至于王道衰禮義廢政教失國異政
家殊俗而變風變雅作矣是以一國之事繫一人

之身謂之風言天下之事形四方之風謂之雅雅者正也言王政之所由廢興也政有小大故有小雅有大雅

嫁逝徂適往也自家而出謂之嫁由女而出爲嫁也

逝秦晉語也徂齊語也適宋魯語也往凡語也

釋 註 嫁往也列子天瑞篇國不足將嫁于衛張

也歸嫁一聲之轉今太倉人言歸音猶如嫁也釋

註 逝往也魏風碩鼠篇逝將去女大雅抑篇言不

可逝矣鄭箋子罕篇逝者如斯夫鄭注並同說文

逝往也讀若誓衆經音義卷二引郭訓古文奇字

往也大有象傳明辨哲也鄭本作遷陸績本作逝

又禮樂志天馬歌體容與遷萬里史記樂書作遷

禹里泄蹠孟康並音逝誓麓邊泄蹠並與逝通祖者釋詁祖往也說文退往也齊語或作祖籀文作遠衛風氓篇自我祖爾鄭箋退往也小雅四月篇六月祖暑毛傳祖往也魯頌駉篇思馬斯祖疏引王肅云祖往也說文殂往死也殂與祖通亦通作且鄭風溱洧篇士曰既且鄭箋云猶匪我思存也釋詁其東門篇匪我思且鄭箋云猶匪我思存也釋詁祖存也是且亦祖之假借字也釋詁如適之往也說文適之也宋魯語小雅巷伯篇誰適與謀鄭箋適往也襄十四年穀梁傳故大其適也范甯注適猶如也之也荀子王霸篇審我所以適人楊倞注適人往與人也潘岳寡婦賦適人而所天又殂李善注適謂往嫁也女嫁謂之適猶男出謂之嫁矣

謾台脅鬪懼也燕代之間曰謾台齊楚之間曰脅鬪宋衛之間凡怒而噎噫噎噫謂憂也謂之脅鬪

涖脅鬪猶涖流也南楚江湘之間謂之擘咍湘

水名今在零陵

音義

謾台蠻怡二音闕呼隔反
噫央媚反咍音香遠反

釋

諷

廣雅謾台懼也謾台之言慢易也祭義外貌斯

貌而民不生易慢焉不生慢易有畏懼之意是慢

易與畏懼義正相因而相反者也故怠忽謂之慢

十三凡三引方言云惰閱懼也脅並作惰各本作

脅廣韻謾字注引與今本同廣雅脅閱懼也衆經

音義卷十二引亦作惰玉篇惰以威力相恐脅也

惰與脅同廣雅脅怯也釋名怯脅也見敵恐脅也

郊特牲大夫強諸侯脅淮南本經訓明於性者天

地不能脅也高注脅恐也玉篇怯心不安也亦作

憊同廣雅憊遑恐也憊與閱亦同合言之則曰脅

閱亦曰潤沈卷十潤沈遑遠也江湘之間凡言窘

猝怖遽謂之潤沈廣雅潤沈怖懼也說文沈恐也

沈與沈懼與遽亦同噎噎古同聲王風黍離篇中

心如噎毛傳噎憂不能息也衆經音義卷二十二

引通俗文塞喉曰噎繫辭傳噎亦要存亡吉凶崔

憬注噎歎聲也子路篇噎斗筲之人集解引鄭注

云噫心不平之聲也合言之則曰噫噫故注云噫
意謂憂也一本作噫憂也脫噫字誤又注謂沈作

閩穀亦誤南楚江湘之間謂之噫噫者淮北沛陳
汝南南郡此西楚也彭城以東東海吳廣陵此東

楚也衡山九江江南豫章長沙此南楚也見史記
貨殖傳說文湘水出零陵縣陽海山漢書地理志

零陵郡零陵陽海山湘水所出北至鄒入江過郡
二行二千五百里案過郡二謂零陵長沙也水經

湘水出零陵始安縣陽海山鄒道元注云卽陽朔
也海內東經湘水出舜葬東南陳西環之入洞庭

下郭氏注云今湘水出零陵營道縣陽朔也入江
洞庭地穴也在長沙巴陵今吳縣南太湖中有包

山下有洞庭穴道潛行水底云無所不通號爲地
脈案陽朔山在今廣西桂林府興安縣南九十里

俗謂海陽山卽陽海山湘水出焉北流至靈渠分
爲湘水東逕全州合羅灌二水又東流入湖南永

州府東安縣又逕零陵合瀟水又北流逕祁陽縣
入衡州府衡陽縣卽漢酃縣故城在縣東自永州

府道州以上今謂之沱水自道州以下今謂之瀟
水說文噦喘息也小雅四牡篇噦噦駱馬毛傳喘

息之貌又疾焉病也引詩又作瘞瘞瘞與嘽聲義並同上云嘽瘞也凡哀泣而不止曰嘽哀與懼義相近漢書外戚傳悲愁於邑喧不可止兮喧與嘽同於邑猶噫噫語之轉耳凡人喜則氣舒而長恐則氣急而促故懼而喘息謂之嘽哀而恐懼謂之嘽合言之則曰嘽嘽嘽嘽雅嘽嘽懼也列子力命篇嘽嘽嘽嘽嘽嘽張湛注以嘽嘽爲迂緩與此異義

虔劉慘林殺也

注

今關西人呼打爲林秦晉宋衛之

間謂殺曰劉晉之北鄙亦曰劉秦晉之北鄙燕之

北郊翟縣之郊謂賊爲虔

注

今上黨潞縣卽古翟

國晉魏河內之北謂林曰殘楚謂之貪南楚江湘

之間謂之欺

注

言欺林難厭也

音義

林音廩又洛威反

箋

疏

虔劉者卷三云虔殺也青徐淮楚之間曰虔廣雅虔劉殺也成十三年左氏傳虔劉我邊陲杜

注度劉皆殺也左思魏都賦庶卷度劉張載注同
衆經音義卷十四云姚又作搜二形同居言反引
字書健割也通俗文以刀去陰曰捷玉篇劇別也
廣韻劇以刀去牛勢也健據劇與度聲同義亦相
近釋詁劉殺也盤庚篇無盡劉某氏傳周頌武篇
勝殷馭劉毛傳張衡思元賦弔祖江之兒劉舊注
並同殺謂之劉用以殺人者亦謂之劉書顧命一
人冕執劉疏引鄭注蓋今鏡斧是也猶劍爲佩刀
之名而以劍殺人卽謂之劍莊十二年公羊傳云
仇牧問宋萬弑君手劍而叱之碎其首潘岳馬汧
督誅序漢明帝時有司馬叔持者白曰于都市手
劍父警此義之相因者也昭十四年左氏傳殺子般
不忌曰賊又莊十三年云共仲使圍人犇賊子般
于黨氏是賊亦殺也殺謂之賊移人者卽謂之賊
隱十一年左氏傳羽父使賊弑公於寯氏義亦相
因也慘者說文慘毒也慘賊疾也廣雅殺慘賊也
是賊與殺同義玉篇慘賊也音山監切慘與慘聲
義相近翟縣者漢書地理志上黨郡潞故潞子國
晉於潞爲郡治今山西潞安府潞城縣是其處掛
之言憐也下卷二憐殘也說文河內之北謂貪曰

淋衆經音義卷一引字淋淋亦貪也大戴記保傳
篇飢而淋盧辯注淋貪殘也昭二十八年左氏傳
貪淋無屨賈逵注云淋者食也其人貪者財利飲
食無知屨足是淋與淋同郭氏北山經鈎吾之山
有獸焉名曰狍鴞是食人注云爲物貪淋文選陳
琳爲袁紹檄李善注引作貪婪說文婪貪也杜林
說卜者黨相詐驗爲婪讀若潭廣韻婪與淋同楚
辭離騷衆皆競進以貪婪兮王逸注云受財曰貪
受食曰婪信二十四年左氏傳狄固貪婪釋文及
正義並引方言殺人而取其財曰淋今無此語是
貪婪爲愛財愛食之通名不宜分訓也注關西呼
打爲淋者春秋宣十八年邾人戕繒子于繒穀梁
傳戕猶殘也稅殺也范甯注稅謂捶打釋文音頂
打與淋聲之後耳欺淋疊韻字說文欺食不滿
也讀若坎欲得也玉篇貪淋曰欲孫奭孟子音
義引張鑑音坎字林云欲得也楚辭哀時命欲愁
悴而委情廣雅歎欲貪也說文脂食肉不厭也
讀若陷欲與歎聲義並同脂與歎聲亦相近

亟憐憫掩愛也東齊海岱之間曰亟自關而西秦晉

之間凡相敬愛謂之亟陳楚江淮之間曰憐宋衛

邠陶之間曰憮或曰憮

陶唐晉都處

音義

亟欺

貌

亟者廣雅亟敬也亟敬聲相近說文極謹重

與亟同說文敬肅也从攴苟苟自急救也从羊省

从包省从口口猶慎言也玉篇苟居力切亦作亟

是苟與亟亦同憮憮義見上文憮憮憮愛也條下

眉梨蠶駘老也東齊曰眉**言秀眉也燕代之北鄙**

曰梨**言面色如凍梨宋衛兗豫之內曰蠶****八**

十爲蠶秦晉之郊陳兗之會曰考鮐**言背皮如**

鮐魚

音義

蠶音經考音垢

眉者

幽風七月篇以介眉壽毛傳眉壽豪眉也正義

云人年老必有豪毛秀出小雅南山有臺篇遐不眉壽毛傳眉壽秀眉也士冠禮眉壽萬年鄭注

古文眉爲麋大戴記王言篇孔子愀然揚麋曰荀子非相篇伊尹之狀而無須麋楊倞注麋與眉同眉麋古通字黎老一聲之轉說文耆老人面凍黎若垢釋名耆垢也皮色驪悴恆有垢者也或曰凍黎凍黎有斑黑如凍黎色也吳語播棄黎老韋曜注黎凍黎壽徵也太誓云今商王受力行無度播棄黎老墨子明鬼篇作黎老吳九真太守谷永碑黎民作黎民黎黎並與黎通衆經音義卷六引字林鷲黑黃也韓非子外儲說面目鷲黑說文鷲黃一曰楚雀其色黎黑而黃驪馬深黑色魯頌駟篇毛傳曰純黑曰驪然則凡言黎者皆黑之意也老謂之黎字當作黎或借黎黎爲之說文云凍黎者謂凍而黑色釋名或說及郭氏凍黎之說皆非也蠶者曲禮八十九曰蠶釋文云本或作八十九曰蠶九十日旄釋言蠶老也郭注云入十日蠶秦風車鄰疏引孫炎注云蠶者色如生鐵也案說文釋名離九三王肅注秦風車鄰傳楚語韋注並同離九三馬融注傳九年左氏傳服虔杜預注並以七十爲蠶釋言舍人注宣十二年公羊傳何休注並以六十爲蠶蓋蠶之年齒經典既無正文漢人說蠶

亦無一定故爾雅方言但以蓋爲老康成注易則云大耋爲年踰七十也是也考齡者釋詁齡背考老壽也書大誓詩南山有臺正義引孫炎曰考面凍梨色如浮垢老人壽徵也君爽篇考造德不降魏志管甯傳注引鄭注考老也論衡無形篇人少則髮黑老則髮白白久則黃人少則膚白老則膚黑黑久則黧並有垢髮黃而膚有垢故禮曰黃耇無疆大雅行葦篇黃髮台背毛傳台背大老也鄭箋台之言齡也大老則背有駘文正義引釋詁舍人注老人氣衰皮膚涓瘠背若齡魚也陸佃爾雅新義今鮫魚胎生背皮錯戾齡背者象此魚歟大雅行葦序正義引方言曰燕代北鄙謂考爲梨郭注云梨面色如梨也今各本並作燕代之北鄙曰梨又釋文引方言色似凍梨卷六引方言面色似凍梨也蓋因注文相涉而謫或誤脫注字耳

脩駿融繹尋延長也陳楚之間曰脩海岱大野之間

曰尋田大野今高平鉅野宋衛荆吳之間曰融自

關而西秦晉梁益之間凡物長謂之尋周官之法

度廣爲尋

注

度爲絹帛橫廣幅廣爲充

注

爾雅曰

緇廣充幅延永長也凡施於年者謂之延施於衆

長謂之永

注

各隨事爲義

注

脩者廣雅脩長也小雅六月篇四牡

脩廣大雅韓奕篇孔脩且長毛傳並云脩長也釋
官陔而脩曲曰樓郭注脩長也俗本脩作修石經
及宋本並作脩楚辭離騷路曼曼其脩遠兮淮南
主術訓脩者以爲桐檟短者以爲楫楹說山訓狗
固圍者以日爲脩當死布者以日爲短是脩爲長
也又地形訓其人脩形兒上又云自西北至西南
方有修股民自西南至東南方有修臂民高誘注
修長也股肱也修臂長臂長于身修與脩通禹
貢厥木惟條唐風椒聊篇遠條且毛傳條長也條
脩古同聲駿者釋詁駿長也小雅雨無正篇不駿
其德周頌清廟篇駿奔走在廟毛傳並云駿長也
鄭箋駿大也通作峻楚辭離騷糞枝葉之皎茂兮

王逸注峻長也淮南說山訓山無峻幹高注峻疎
長杖也大學克明峻德鄭注峻大也大與長同義
融釋者釋詁融長也大雅既醉篇昭明有融毛傳
融長也張衡東京賦辭綜注同潘岳笙賦泓宏融
裔李善注融裔聲長貌重言之則曰融融隱元年
左氏傳大陸之中其樂也融融張衡思元賦展洩
洩以彤彤融古通字說文釋抽絲也釋天釋又祭也
蕝蔚彤融古通字說文釋抽絲也釋天釋又祭也
周曰釋商曰彤高宗彤日正義引孫炎注釋祭之
明日釋復祭也彤者亦相尋不絕之意何休宜
入年公羊傳注云釋昨日事彤者彤彤不絕釋山
屬者嶧郭汧注言絡釋相連屬廣雅釋長襦也澤道
也澤與驛同謂長道也義並與釋同重言之則曰
釋釋釋訓釋釋生也周頌載芣爲驛驛其達毛傳
達射也鄭箋云達出地也正義引釋訓作驛驛釋
與驛通釋釋猶融融融釋一聲之轉義亦與長相
近尋者廣雅尋長也淮南齊俗訓峻木尋枝海外
北經尋木長千里左思吳都賦作尋木劉逵注引
此文亦作尋尋與尋同又大荒北經有岳之山尋竹
經作尋是尋與尋同又大荒北經有岳之山尋竹

生焉郭注尋大竹也玉篇作尋云竹長千丈李善注張協七命引作尋尋與尋亦通說文云人手御十分動尺謂之寸口中人手長入尺謂之尺周尺也周制寸尺咫尋常仞諸度量皆以人之體爲法大戴記王言篇孔子曰布指知寸布手知尺舒肘知尋攷工記匠人營溝洫郛廣尺深尺隧廣二尺深二尺溝廣四尺深四尺洫廣八尺深八尺澮廣二尋深二仞說文尋度人之兩臂爲尋入尺也仞人伸臂一尋八尺也是仞與尋同攷工記凡未及丈者皆言尺獨於澮則變文言言澮仞者以尋爲度廣仞爲度深之名也故方言曰周官之法度廣爲尋淮南覽冥訓高注度深曰仞昭三十二年左氏傳杜注同此其定名也亦謂之測說文測深所至也玉篇度深曰測淮南原道訓深不可測高誘注同猶度高謂之揣卷十二云度高爲揣長謂之量周官量人注云量長短也皆爲量度之通稱無定制也若尋與仞則其數有定案諸書之說尋也魯須閎官篇毛傳攷工記廬人鄉射禮記鄭注成十二年左氏傳杜注周語韋注劉熙釋名華嚴經音義下引何承天纂要史記賈誼傳應劭注呂氏存

秋悔過篇淮南記論訓高注莊子庚桑楚釋文左

患吳都賦劉逵注衆經音義卷十二並言八尺曰

尋而公食大夫禮記鄭注又云丈六曰常半常曰

尋是亦八尺也惟司馬貞史記張儀傳索隱則云

七尺曰尋廣韻注又云六尺曰尋切之爲數亦然

旅夔篇某氏傳莊子庚桑楚釋文引孔安國注盡

心篇趙岐注淮南原道訓高注孫子形篇魏武李

奎注家語思致篇王肅注及聖證論西山經郭注

管子乘馬篇房注並云八尺曰切旅夔疏引鄭君

說鄉射禮記鄭注子張篇集解引包咸注呂氏春

秋功名篇淮南冥覽訓高注楚辭招魂王逸注李

謚明堂制度論華嚴經音義下引何承天纂要祭

義及莊子達生篇釋文並云七尺曰切而漢書食

貨志引應劭注又云五尺六寸小爾雅又云四尺

日切間嘗攷之其以尋爲六尺切爲四尺及五尺

六寸者固非而云七尺八尺者亦紛紛互異程氏

瑤田通藝錄云尋爲八尺切必七尺者何也同一

伸手度物而廣深用之其勢自不得不異人長入

尺伸兩手亦八尺用以度深則必上下其左右手而側

尋爲八尺而用以度深則必上下其左右手而側

其身焉身側則胸與所度之物不能相摩於是兩
手不能全伸而成弧之形弧而求其弦以爲切必
不能八尺故七尺曰切亦其勢然也釋案其說是
矣而未盡也蓋度廣度深之名有定而無定如攷
工記宮中度以尋鄉射禮記以鴻脰韜上二尋戴
禮檀十有二尋雜記兩五尋之類此尋入尺之有
定者也莊子達生篇縣水三千仞呂氏春秋功名
篇善釣者出魚乎千仞之下此仞七尺之有定者
也若無定則尋入尺亦可云七尺仞七尺亦可云
八尺何以言之公食大夫禮記云加萑席尋注云
必長筵者以有左右饌呂氏春秋悔過篇四曰穴
深尋左思吳都賦擢木千尋尋爲度廣之名而施
之於長於深於高則可云八尺矣旅葵云爲山九
仞子張篇云夫子之牆數仞盡心篇云堂高數仞
西山經太華之山其高五千仞楚辭招魂長人千
仞切爲度深之名而施之於長於高亦可云七尺
矣猶度深亦爲測而周官大司徒鄭注云不知深
廣故曰測度高曰揣而荀子非相篇不揣長不揆
大此則所謂但爲度量之通稱者也然則無論尋
與仞皆必視其所度之物以定尋仞之數若泛言

尋勿則以爲八尺者未爲得以爲七尺者亦未爲
失也推之充爲幅廣之名而鄉射禮記云鄉侯上
个五尋鄭注上个爲最上幅是幅廣亦爲尋也准
甫說山訓鐘之與磬近之則鐘之充高注充大也
是大亦稱充也說文充長也上云釋長也廣雅釋
充也凡廣與大與長之類皆對文則異散文則通
也大野者禹貢云大野既豬史記夏本紀散文則通
鄭注大野在山陽鉅野北名鉅野澤漢書地理志
山陽郡鉅野大野澤在北郡國志亦云山陽郡鉅
野有大野澤是也晉書地理志高平國故屬梁國
晉初分山陽置鉅野縣魯獲麟所今山東曹州府
鉅野縣是其處注引爾雅者釋天文也云緇廣充
幅長尋曰旒郭注帛全幅長八尺詩疏引孫炎注
緇黑緇也言黑緇之名也延者釋詁延長也說文
是充爲幅廣之名也延者釋詁延長也說文延長
行也大誥篇天降害于我家不少延成十三年左
氏傳君亦悔禍之延杜注云延長也楚辭離騷云
延仁乎吾將反王逸注同是施於衆長者謂之延
也說文挺長也字林廣雅同說文又云挺木長也
商頌殷武篇松栝有挺毛傳挺長貌延挺挺聲義

並同延之言引也釋詁引長也大雅召旻篇職兄
斯引毛傳云引長也史記曹世家云豈不欲引曹
之祀者漢書律歷志十文曰引延一聲之轉
戴本據嵇康養生論李善注釋詁邢昺疏引永年
長也遂改永爲年考各本並作永宋本亦如是盧
氏云李善注文選於阮籍詠懷詩猶有延年術引
方言延長也於嵇康養生論又引作延年長也蓋
卽隱括施於年者謂之延意爾雅疏引方言遂作
延年長也不出永字則下文何所承乎若上文作
延年長也下文只當云永衆長也亦可矣何必更
加分疏或遂據爾雅疏改此文誤甚今從舊本釋
詁永長也詁初六不永所事虞注同舜典歌永言
史記作誦長言唐風山有樞篇且以永日毛傳永
引也引亦長也高宗彤日降年有永有不永畢命
惟以永年是施於年者亦謂
之永也永延亦一聲之轉耳

允訖恂展諒穆信也齊魯之間曰允燕代東齊曰訖

宋衛汝潁之間曰恂荆吳淮汭之間曰展

汭

汭水

口也西甌毒屋黃石野之間曰穆

注

西甌駱越別

種也其餘皆未詳所在衆信曰諒周南召南衛之

語也

音義

說音諶恂音荀諫音

音

允者釋諫允

衆允之虞注允信也士皆信故衆允鄺風定之方

並云允信也舜典惟明克允史記五帝紀作惟明

能信是允爲信也說釋詁作謹說文燕代東齊謂

信曰說廣雅說謹並同大雅大明篇天難忱斯毛

傳忱信也正義曰釋詁文說文及漢書貢禹傳春

林繁露如天之爲篇引並作謹蕩篇其命匪諶說

文心部引作忱忱說謹聲近義同古皆通用恂釋

詁作詢說文恂信心也鄭風叔于田篇恂美且仁

鄭箋恂信也疏云釋詁文衆經音義卷十六引爾

雅作恂恂恂詢聲義亦同古亦通用大戴記衛將

軍文字篇爲下國恂蒙盧辯注恂信也言下國信

蒙其富詩作駿麗或古有二文或以義賦鄉黨篇

恂恂如也史記孔子世家集解引王肅曰恂恂溫

恭貌也。案隱曰：有本作逸，隸釋祇陸碑。鄉黨逸，遂劉脩碑。其於鄉黨，選選如也。子罕篇：夫子循循然，善誘人。後漢書：趙壹傳：失恂恂，善誘之。德李賢注：引論語作恂恂。又李膺傳：注吳志：步騭傳：趙岐孟子章指並同。駁遂：循字並與恂通。義亦相近。淮泗者，說文：淮水出南陽平氏桐柏大復山，東南入海。漢書地理志：南陽郡平氏禹貢桐柏大復山，東南入陽平氏胎簪山，東北過桐柏山，東至廣陵，淮浦縣入於海。海內東經：淮水出餘山，餘山在朝陽，東入海。淮南北郭注云：今淮水出義陽平氏縣桐柏山。山東北經：汝南汝陰淮南，誰國下邳至廣陵縣入海。案廣陵下脫淮浦二字，初學記引作淮陰，卽淮浦之訛也。漢書地理志：臨淮郡淮浦，游水北入海。水經云：東至廣陵，淮浦縣入海。鄆道元注云：淮水於縣枝分北爲游水，又東北逕紀鄆，故城南。東北入海，是其證。義陽平氏見晉書地理志，說文：泗水相入也。堯典：釐降二女於媯汭，鄭道元水經河水注：引馬融云：水所入曰媯，閏二年左氏傳：號公敗犬戎於滑，汭杜注：水之隈，曲曰汭，通作芮。大雅：公

劉篇芮鞠之卽毛傳芮水涯也鄭箋芮之言內也
內卽水之隈曲處故召誥疏引鄭注亦云內隈曲
中也芮汭聲義並同展者釋誥展信也擲風雄雉篇展矣
賦展洩洩以彤彤舊注展信也擲風雄雉篇展矣
君子毛傳展誠也齊風猗嗟篇展我甥兮小雅車
攻篇展也大成鄭箋並同說文誠信也信誠也義
並相通也又後卷七云展信貌展字兼誠信屈伸
一曰展燕曰悖注云悖亦誠信貌展字兼誠信屈伸
二義此展爲誠信後則二義兼有故注言亦以別
之非重出也諒者說文諒信也鄭風柏舟篇不諒
人只毛傳小雅何人斯篇諒不我知鄭箋並同衆
經音義卷十七卷二十一並引爾雅諒信也今釋
詁作亮舉陶謨亮采有邦史記五帝紀集解引馬
融云亮信也告子篇君子不亮趙岐注同亮卽諒
之假借字西歐者逸周書王會解歐人蟬蛇孔晁
注東越歐人也又云且歐文蜃注且歐在越伊尹
四方合曰正東越滙正南歐鄧說文閩東南越蛇
種淮南人間訓以與越人戰殺西嘔君譯吁宋歐
滙嘔並與歐同史記索隱引劉氏云今珠崖耳謂
之歐人正義曰輿地志云交阯周時爲駱越秦時

方言箋疏

卷一

七

紅蝠山房校本

日西甌海內南經云甌居海中郭注云今臨海縣
永甯縣卽東甌在岐海中與下卷二注略同又云
閩在海中注云閩越卽西甌今建安郡是也亦在
歧海中漢書地理志會稽郡回浦春秋戰國屬越
漢初爲東甌國後爲縣屬會稽後漢永和二年置
永甯縣三國吳屬臨海郡晉太康元年析置永嘉
郡今浙江温州府永嘉樂清是其地晉書地理志
建安郡故秦閩中郡今福建建甯府是其地穆者
逸周書謚法解中情見貌曰穆顏延之元后哀策
文壺政穆宣李善注訓穆爲信廣雅睦睦睦信也史記
司馬相如傳眩眩睦睦漢書作穆穆睦睦與穆同又
通作繆金滕篇我其爲王穆卜史記魯世家作繆
集解引徐廣曰古文穆多作繆又蔡邕獨斷云名
實過爽曰繆此以相反爲義也周公召南詩譜云
周召禹貢岐山之陽地名案春秋時地入於晉戰
國屬魏後屬韓秦置陝縣屬三川郡漢書地理志
宏農郡陝縣故虢國晉書地理志同云
周分陝東西二相主之今河南陝州是

碩沈巨濯訐敦夏于大也

[注]

訐亦作芋音義同耳齊

宋之間曰巨曰碩凡物盛多謂之寇注今江東有

小鼻其多無數俗謂之寇鼻齊宋之郊楚魏之際

曰夥自關而西秦晉之間凡人語而過謂之過或

曰僉東齊謂之劔或謂之弩弩猶怒也陳鄭之間

曰敦荆吳揚甌之郊曰濯中齊西楚之間曰訔注

西楚謂今汝南彭城自關而西秦晉之間凡物之

壯大者而愛偉之謂之夏周鄭之間謂之嘏郴齊

語也于通語也音義訔香于反夥音禍過于義疏

碩者釋詁碩大也說文碩大頭也郴風簡兮篇碩

人俛俛毛傳碩人大德也衛風考槃篇碩人之竟

鄭箋碩大也阮瑀爲曹操與孫權書明棄石交李

大也始於銖兩於兩明於斤均於鈞終於石物終碩大也匈奴傳石畫之臣甚衆鄧展注石大也案漢書陳勝傳夥涉之爲王沈沈者應劭注沈沈官室深窳之貌音長含反讀若覃張衡西京賦大厦耽耽左思魏都賦耽耽帝宇李善注沈與耽音義同班固答賓戲云揚雄覃思顏師古注云覃大也深也玉篇譚大也沈耽覃並通說文耽耳大垂也玉篇同音丁含反耽與沈亦聲近義同巨者釋詁巨大也大射儀右巨指鈞弦鄭注右巨指右手大擘梁惠王篇趙岐注巨大也說文鉅大剛也漢書食巨靈鼯屬辭綜注巨大也鉅萬顏師古注鉅大也鉅萬貨志庶人之富者累鉅萬顏師古注鉅大也鉅萬謂萬萬也鉅與巨同濯者釋詁濯大也大雅常武篇濯征徐國毛傳濯大也文王有聲篇王公伊濯毛傳同鄭箋云文王述行大王王季之王業其事益大枚乘七發血脉淫濯玉篇霏大雨也音貞卓切霏與濯通重言之則曰濯濯大雅靈臺篇鹿濯濯鄭箋鳥獸肥盛喜樂趙岐注梁惠王篇云獸肥飽則濯濯廣雅腴腴濯濯肥也肥謂之腴亦謂之濯猶大謂之懣亦謂之濯矣釋詁懣大也腴懣

古同聲許者釋詁計大也大雅生民篇實覃實計
抑篇許謨定命毛傳並云許大也重言之則曰許
許韓奕篇川澤許許毛傳許大也釋文許本又
作肝同香于反鄭風溱洧詩且樂漢書地理
志引作肝顏師古注許大也像六三肝豫悔釋文
引王肅注肝大也漢書谷未傳又廣肝營表晉灼
注同左思魏都賦乃肝衡而語曰劉逵注肝舉目
大視也重言之亦曰肝荀子非十二子篇肝肝
然楊倞注肝張目之貌卷十三芋大也注云芋
猶許同耳此注云許亦作芋音義同是芋許古通
字小雅斯干篇君子攸芋毛傳芋大也鄭箋芋當
作膾有司徹加膾祭于其上鄭注膾讀如殷母之
母少儀祭膾鄭注膾讀如母漢書張敞傳長安中
傳張京兆眉膾孟康云膾音詡說文詡大言也禮
器篇德發揚詡萬物鄭注詡音普也偏也士虞禮記
注云普大也少儀會同主詡正義詡謂敏大言語
重言之亦曰詡詡易林離之中孚魴鯁詡詡廣雅
詡詡大也詡詡猶膾膾亦猶許許肝肝矣家君日
大司徒職燬宮室鄭注謂約椽攻堅風雨攸除各
有攸字鄭注所云皆約舉詩辭攸字即攸芋也鄭

注禮時用韓詩蓋韓詩芋作芋荀子非十二子篇
而大盈乎大寓寓卽播文字字是芋與芋亦同芋
又音王遇反其義亦爲大說文芋大葉實根駭人
故謂之芋也衆經音義卷四引聲類云芋大葉著
根之菜見之驚人故曰芋大者謂之蹲鴟甚可食
也許盱詡芋字古聲並相近敦夏及下殿並詳敦
豐厲奔大也條于大也檀弓于則于疏云于謂廣
名曰朱于鄭注于大也檀弓于則于疏云于謂廣
大文王世子篇況于其身以善其君乎鄭注于讀
爲迂迂猶廣也大也子路篇子之迂也釋文引鄭
本作于是迂與于同呂氏春秋仲夏記調芋笙壘
箎高注芋笙之大者古皆以苑爲之義亦同寇者
舜典寇賊竄宄某氏傳羣行攻劫日寇衆經音義
卷七引書范甯集解寇謂羣行攻剽者也釋鳥鷓
鳩寇雉郭注云鷓大如鴿似雌雉鼠脚無後指歧
尾爲鳥鷓急羣飛出北方沙漠地案寇與戎同義
寇訓爲多猶戎訓爲大也玉篇狗芳候切多也廣
韻同左思魏都賦云繁富夥狗李善注引廣雅狗
多也狗與寇聲近義同夥者說文齊謂多爲夥又

先部魁并惡驚詞也讀若楚人名多爲夥史記陳涉世家集解引服虔云楚人謂多爲夥又言頤者助聲之語也謂涉爲王宮殿帕帳其物夥多驚而偉之故稱夥頤也漢書張衡傳云不恥祿之不夥字亦作裸廣雅裸多也曹憲音乎果切王氏念孫云今人問物幾許曰幾夥語之轉也漢書五行志云及六畜謂之魁言其著也魁與夥聲同義亦相近魁者玉篇過過也說文調疾行也玉篇同音呼卦切調與過聲義並相近卷七云僉皆也自山而東五國之郊曰僉卷十二云僉劇也劇與勵同亦過甚之意又云僉夥也注云僉者同故爲夥廣雅僉過也義並同也劔猶僉也僉與劔聲有侈弁耳駑者釋名駑怒也有怒勢也呂氏春秋至忠篇非怒王則疾不可治高注讀如強駑之駑後漢書第五倫傳云掾吏家貲多至十萬皆駑車怒馬李賢注云怒馬謂馬之肥壯其氣憤怒也廣雅怒健也又怒勉也廣韻努努力也義並相近也柳與琳同衆經音義卷一引字書云琳或作琳今亦作菱同力南反卽沈聲之轉也廣韻酒巡而曰琳出酒律亦作替巡而猶言普徧義亦相近也盧氏曰陳鄭

之間曰敦至末當接前日巨曰碩之下爲一條凡
物盛多至弩猶怒也當提出別爲一條舊本皆誤
案如盧說則蝦椰二義終屬突出
恐未必然姑存其說仍從舊本

抵倣會也雍梁之間曰抵秦晉亦曰抵凡會物謂之

倣音義

倣音致

義歸

抵之言氏也說文氏至也从
氏下著一一地也史記律書

氏者言萬物皆至也廣雅會抵至也至會抵三字
同義史記秦始皇紀云道九原抵雲陽漢書尹歸
翁傳盜賊所過抵顏師古注抵歸也所經過及所
歸投也是抵爲會也又漢書文帝紀至邸而議之
顏師古注郡國朝宿之舍在京師者率名邸邸至
也言所歸至也義亦與抵通集韻引字林倣會也
通作致說文致送詣也言部詣候至也送詣者送
而必至其處是會之意也周官送人以下劑致毗
鄭注致猶會也民雖受上田中田下田及會之以
下劑爲率又大司馬及致建太常鄭司農云致萬
民聚萬民也聚與會同意故廣雅會聚也卷十三
云倣到也說文倣刺之才至也揚子甘泉賦云洪

臺榭其獨出兮，掖北極之嶙嶙。掖與傲同，到亦至也。會謂之抵，亦謂之傲。猶至謂之抵，亦謂之致。又謂之掖也。義並相通也。釋詁到至也。廣雅致掖，掖會抵至也。是也。抵舊本並誤。作抵字家君據廣雅改正。

華琴賦也。琴亦華別名。齊楚之間，或謂之華，或謂

之琴。

音義

琴音

琴

賦即盛之異文。卷十賦多也。卷十三蘊

賦也。廣雅並作盛。後漢書崔駰傳注引賦多也。衆經音義凡四引焜賦也。賦並作盛。是賦與盛同。華者釋言華皇也。郭注引釋草莖華榮釋文音胡瓜反。說文琴榮也。玉篇同音胡瓜切。又呼瓜切。華之言華美也。顧命篇華玉仍几。鄭注華玉五色玉也。檀弓篇華而皖大夫之簣與。鄭注華畫也。張衡南都賦履躡華英。李善注華英光耀也。又東京賦鏗華鐘辭。綜注云華鐘謂有篆刻故言華鐘。皆盛之意也。琴者說文琴草木琴也。或从艸。從琴。琴玉篇琴許俱芳。俱二切。草華別名。又琴榮也。又花呼。

瓜切今爲華芩字釋草華芩也華芩榮也木謂之華草謂之榮郭注今江東呼華爲芩爾雅以芩字釋華當必異字異音故郭音誇與許君異也芩之言夸也說文夸奢也亦盛之意也說文誇盛也引小雅常棣篇鄂不誇誇今本作韓毛傳誇誇光明也鄭箋鄂足得華之光明誇誇然盛玉篇誇盛貌禹鬼切誇與琴聲近義同

盧氏云注中華字當作琴

墳地大也青幽之間凡土而高且大者謂之墳

注卽

大陵也

箋疏

墳者釋詁墳大也釋地墳莫乎河墳釋邱墳大防卷十三冢秦晉之間謂

之墳周官冢人鄭注冢封土爲邱隴象冢而爲之說文冢高墳也周南汝墳篇遵彼汝墳毛傳墳大防也潘岳射雉賦畫墳衍而分畿徐爰注青幽之間土高且大者通名曰墳周官司烜氏共墳燭庭燎鄭注故書墳爲蕢鄭司農云蕢燭麻燭也元謂墳大也內則菽麥蕢釋文蕢字又作廣大麻子大雅靈臺篇蕢鼓維鋪毛傳蕢大鼓也釋樂大鼓謂之鼓說文同字或作鞮周官鼓人以鼓鼓鼓軍事

顧命鼓鄭注鼓大鼓也鼓鼓非攷工記所云
鼓長八尺者若是周鼓何須寶守明前代之物
與周鼓同名耳義並與墳同廣雅墳分也衆經
音義卷三引作扮說文扮塵也一曰大防盤庚篇
用宏茲賁某氏傳宏賁皆大也正義以爲釋詁文
引樊光曰詩曰有賁其首今小雅魚藻篇作有頌
毛傳頌大首貌正義頌與墳字雖異音義同說文
頌大頭也亦引詩與今本同廣韻頌音符分切與
賁墳同釋詁引此文以地大連文爲句今仍之或
又以墳地字各爲句亦通說文大天大地大人亦
大故大象人形廣雅地大也管子形勢篇地之裁
大故能兼載萬物道德經云有物混成先天地生
吾不知其名故字之曰道強爲之名曰大故道大
天大地大王亦大域中有四大而王處其一尊是
地亦大也注卽大陵也者說文陵大阜也阜大陸
山無石者釋名陵隆也體隆高也義與墳同也

張小使大謂之廓陳楚之間謂之摸

音義

摸音

疏

廓者衆經音義卷九引孫炎注廓張之大也郭注
廓落宇宙張衡西都賦廓開九市辭綜注廓大也

大雅皇矣篇增其式廓毛傳同釋文本作郭云本
又作廓玉篇引白虎通義云郭之言廓也大也意
林引風俗通義云郭大也文十五年公羊傳恢郭
也何休注郭城外大郭釋名郭廓也廓落在外也
郭廓古今字檀弓般人棺椁鄭注椁大也言椁大
於棺也字亦作柳白虎通義云柳之爲言廓所以
開廓壁無合迫棺也釋名柳廓也廓落在表之言
也說文殲弩滿也讀若郭廣雅殲張也曹憲音廓
淮南兵畧訓云疾若殲弩孫子兵勢篇云勢如殲
弩漢書吾邱壽王傳十賊殲弩百吏不敢前張晏
音郭顏師古注引滿曰殲太平御覽引尸子云朽
弓鞞弩殲鞞並與殲同公孫丑篇知皆擴而充之
矣趙岐注擴廓也孫奭音義引丁公著云擴張大
也義並與廓同摸者卷十三云摸撫也撫與擴通
玉篇撫張也釋詁撫大也小雅六月篇傳撫張大
也摸之言幕也卷十二云幕覆也撫幕覆一聲之
轉故覆謂之幕亦謂之撫說文撫覆也
廣雅幕覆也帳也說文帳張也義亦通

媿蟬網然未續也楚曰媿蟬出也

注別異義楚曰媿

或曰未及也

音

蟬火全反綱音

說

蟬者說文

玉篇音巨營切廣韻又音巨緣切說文緊纏絲急

也楚辭九思心緊氣繚轉而自締王逸注云思念緊

纏絙又九章云氣繚轉而自締王逸注云思念緊

卷而成結也緊卷一作纏絙大雅民勞篇以謹纏

絙毛傳纏絙反覆也正義纏絙者牢固相著之意

昭二十五年左氏傳纏絙從公杜預注纏絙不離

散案纏絙疊韻兼雙聲字急言之則為蟬轉言之

則為緊皆纏之意也纏謂之蟬亦謂之纏故緊謂

之蟬亦謂之纏也衆經音義卷十四引聲類攷攷緊

也卷五云所以懸掃宋魏江准之間謂之纏音攷

甲之攷說文纒落也廣雅同漢書揚子雲傳虹霓

為纒韋氏注纒旗上繫也文選音義云案說文虹霓

林三蒼並云纒絡也纒與蟬音義相近蟬音火

全反各本並同戴本全作金以火全反為蟬字之

音誤蟬通作蟬賈誼服鳥賦形氣轉蟬兮變化而

或曰蟬相連也是蟬為續也合言之則曰蟬連玉

篇蟬連系續之言也

左思吳都賦蟬聯陵邱劉達

紅編山房校本

紅編山房校本

注蟬聯不絕貌漢書揚子雲傳有周氏之蟬焉今
應劭曰蟬媽連也又通作蟬楚辭離騷女須之蟬
援兮王逸注蟬援猶牽引也又九歎云惟楚懷之
蟬連蟬螳蟬並字異義同綱者廣雅綱續也玉篇
同卷六擱刺續也秦晉續折曰擱繩索謂之刺擱
亦音刺戴盧兩家本改擱作綱非是說詳卷六淮
南人間訓云婦人不得刺麻考縷又汜論訓云綵
麻索縷擱刺綵古字並與擱通縷者廣雅縷續也
衆經音義卷十四引通俗文手捏曰縷元應曰縷
而指索之相接續也又引聲類縷緊也廣韻縷以
指縷物也案今人猶以兩指緊物爲縷矣孔晁注
縷從也從亦續之意也未者廣雅未續也戴氏因
未與續義不相近遂讀未續連文爲句云未續應
謂欲續而未結繫廣雅未亦訓續失之盧氏仍其
說並非是案上文螳蟬綱縷四字明訓爲續則不
可云未續矣蓋未與未形相似此未字本作未涉
下未及之文并訛爲未張揖亦訓未爲續則其訛
已久或廣雅本作未而後亦誤爲未莫可知也子
張篇抑末也釋文未或本作未正與此同亦有譌
未爲末者禮弓篇瓦不成味鄭注云味當爲沫沫

醜也字从午未之未當音呼內反今釋文音亡曷反則誤爲凝沫字是也卷十三云未緒也廣雅云緒末也是未與緒同義說文緒絲耑也耑與端同繼緒是連續之意也又卷十二云未隨也易隨卦釋文云隨從也廣雅末隨逐也末訓爲隨亦訓爲續猶注逐從也廣雅末隨逐也末訓爲隨亦訓爲續猶撰訓爲從亦訓爲續也孔晁注逸周書大武解撰從也是也蟬出語之轉蟬之轉爲出猶蟬之轉爲續耳楚曰蟬者謂楚謂出爲蟬也或曰未及也者復反復以申之也

踏

注古蹋字踏跣跳也楚曰跣亦中州語陳鄭之

間曰踏楚曰蹠自關而西秦晉之間曰跳或曰踏

音義

踏他匣反踏迫遙

義疏

說文蹠躓也躓僵也踏者廣雅

踏也說文踏躓也躓進足有所擷取也注踏古

蹋字說文蹋踐也並與跳之義相近踏者說文踏

跳也下卷十二搖上也廣雅同釋天扶搖謂之焱李巡注暴風從下上升管子君臣篇夫水波而上

畫其搖而復下楚辭九章願搖起而橫奔今王延

壽夢賦云羣行而奮搖忽來到吾前搖與躍聲同

義亦相近蹠者說文蹠蹠也廣雅同蹠者廣雅蹠

蹠也玉篇蹠蹠也廣韻蹠蹠貌說文蹠蹠超特也史

記賈誼傳云鳳漂漂其高遶今漢書作逝樂書蹠

容與兮蹠萬里漢書禮樂志作逝如涓曰逝超蹠

也孟康音逝吳都賦曰蹠蹠竹柏枚乘七發云清

升踰蹠揚子羽獵賦窺夫射禽之繼蹠蹠蹠蹠蹠

蹠蹠蹠蹠蹠蹠蹠蹠蹠蹠蹠蹠蹠蹠蹠蹠蹠蹠蹠蹠蹠蹠

蹠蹠蹠蹠蹠蹠蹠蹠蹠蹠蹠蹠蹠蹠蹠蹠蹠蹠蹠蹠蹠蹠

蹠蹠蹠蹠蹠蹠蹠蹠蹠蹠蹠蹠蹠蹠蹠蹠蹠蹠蹠蹠蹠蹠

也淮南主術訓明分以示之則蹠蹠之姦止矣高

誘注盜蹠孔子時人蹠莊蹠楚威王之將軍能大

爲盜也呂氏春秋異用篇蹠與企足得節以開閉

取捷高注蹠盜蹠企足莊蹠也說文蹠蹠舉足高行

也是蹠蹠皆以蹠躍得名也又廣雅飛蹠飛蹠也

本草謂之蜚蠊陶注形似麝蟲輕小能飛廣雅又

云飛廉木禾也本草云一名輕飛陶注亦云飛廉

莖輕按飛廉本風師之名而紂臣亦名飛廉凡此

之類其義
互通矣

躡郅跂格

音義

格亦訓來躡踰登也自關而西秦晉之

間曰躡東齊海岱之間謂之躡魯衛曰郅梁益之

間曰格或曰跂

音義

郅音質跂音企躡濟波踰躡
○盧氏曰濟渡當音躡攀

爾雅釋詁釋文躡子兮反

音義

躡者玉篇躡登也

說文祖雞切皆無濟音
上使攝服也史記始皇紀躡足行伍之間揚子甘

泉賦躡不周之委蛇班固答賓戲云彼皆躡風塵

之會是躡爲登也郅通作躡釋詁躡格跂躡陞也

郭注引方言魯衛之間曰躡梁益曰格說文躡讀

若郅是躡與郅同洪範篇云惟天陰騭下民釋文
引馬融注騭與郅同說文騭登也舜典女陟帝位史
記五帝紀作女登帝位夏小正魚陟負冰傳陟升

也郅騭陟聲近義同跂者衛風河廣篇云跂予望
之檀弓云不至馬者跂而及之史記高帝紀日夜
跂而望歸重言之則曰跂跂漢書東方朔傳跂跂

脈脈善緣壁通作企說文企舉踵也文選歎逝賦
李善注引字林同又江賦注企與跂同格者上云
格至也注格古格字釋詁格陞也郭注引此文作
格是格與格同呂刑篇庶有格命疏引鄭注格登
也登命爲壽考者是也注格亦訓來者下卷格來
也躋者說文躋登也釋詁躋陞也釋文音予今切
陞卽升之俗字升與登古亦通用禮喪服注今文
禮皆登爲升廣韻躋音子計切與躋同升也小雅
斯干篇君子攸躋秦風蒹葭篇道阻且躋毛傳並
云躋升也釋文躋本又作躋士虞禮記躋耐爾于
皇祖某甫鄭注躋升也躋躋齊古字並通躋又訓
墜說文足部引商書曰予顛躋今微子篇作躋注
家皆訓墜也通作躋昭十三年左氏傳小人老而
無子知躋于溝壑矣杜注躋隊也隊與墜同皆以
相反爲義也躋者卷十三躋拊拔也出休爲併出
火爲躋注云躋一作躋又云躋行也注言跳躋也
踰與躋同聲廣雅躍跳也又云躍上也告子篇搏
而躍之小雅巧言篇躍躍兔釋文躍音他狄反
是讀如召南趨趨也躍與躍古同聲而通用
也廣雅趨趨跳也躍與躍古同聲而通用

逢逆迎也自關而東曰逆自關而西或曰迎或曰逢

箋疏

說文迎逢也逢从夆聲夆悟也讀若縫悟逆也周語道而得神是爲逢福韋注逢迎也告

子篇逢君之惡其罪大楚辭天問逢彼白雉趙岐王逸注並同逆者釋言逆迎也說文逆迎也關東

日逆關西日迎春秋隱二年紀裂繡來逆女是逆爲迎也禹貢逆河周頌般正義引鄭注下尾合爲

逆河言相迎受也今文古書作迎河迎逆聲轉通用

搏撻摠延取也南楚曰撻陳宋之間曰摠衛魯揚徐

荆衡之郊曰摠注衡衡山南岳名今在長沙自關

而西秦晉之間凡取物而逆謂之篡楚部或謂之

撻

音義

撻常含反撻音蹇撻盜踰撻羊羶反

箋疏

撻者廣雅撻取也玉篇廣韻並同今

俗謂以指摘物曰撻音近蠶撻者莊子至樂篇列子天瑞篇並云撻蓬而指張湛注撻拔也賈子新

書俗激篇云撻兩廟之器史記叔孫通傳故先言
斬將擐旗之士索隱引楚辭離騷曰朝撻批之木蘭
撻拔取也南楚語引楚辭離騷曰朝撻批之木蘭
今本作擐王逸注擐取也廣雅同又九歌曰擐芙蓉
蓉今木末王逸注擐手取也撻蹇並與撻通撻者
說文拓拾也陳宋語或从庶作撻少牢下篇乃撻
于魚腊俎俎釋三个其餘皆取之禮器篇有順而
撻也正義撻猶拾取也法言問明篇撻我華而不
食我實張衡思元賦撻若華而躊躇史記十二諸
侯年表云各往往撻撻春秋之文以著書是撻爲
取也撻者廣雅撻取也撻之言引取也撻舊本並
作篡音饌釋詁篡取也戴本改作篡盧本同以爲
篡無饌音並刪去今從之說文並而奪取曰篡郭
注爾雅篡者奪取也白虎通義誅伐篇篡猶奪也
取也欲言庶奪嫡孽奪宗引奪取其位漢書霍光
傳公孫敖與壯士往篡之顏師古曰逆取曰篡後
漢書逸民傳論引揚雄曰鴻飛冥冥弋人何篡焉
宋衷曰篡取也注衡衡山南岳名者釋山江南衡
郭注衡山南嶽書疏引李巡注衡南嶽衡山也鄭
注周官大司樂云衡在荊州漢書地理志長沙國

秦郡高帝五年爲國湘南禹貢衡山在東南晉書地理志衡陽郡吳置故屬長沙統湘南衡山今在湖南衡州府衡山縣西俗謂之岫

嶼山南嶽廟在縣西北三十里

餐飫食也陳楚之內相謁而食麥饘謂之餐

也楚曰飫凡陳楚之外相謁而餼

飯爲餼謁請也或曰飫或曰飫秦晉之際河陰之間曰饑

餼今馮翊郃陽河東龍門是其處也此

秦語也

音昨饘音旃飫音黏

饑惡恨反饑五恨反

饗者釋言饗饌食也說文饗饌也陳楚之間相謂食麥飯曰饗說文饗麥也讀若馮周官籩人朝食之籩其實籩鄭司農云熬麥曰籩釋文音芳弓反徐又芳勇反鄭康成云今河間以北煮種麥賣之名曰逢饗逢聲並相近飫者楚人食麥曰

餽餽之言酢也下卷五云飯或謂之酢餽說互見
彼條餽者說文餽糜也周謂之餽宋謂之餽釋言
餽餽也餽舊本正文及注並作餽玉篇音蘇昆切
戴本改作餐盧本從之云舊本作餽誤廣雅作澹
與餐音義同案說文餐吞也或从水作澹玉篇同
音七安切廣雅澹食也曹憲音錯寒反是餐之別
體與澹聲義各別集韻類篇以澹餐爲一字非也
惟爾雅疏引此文作餽正與舊本合不應改餽爲
餐今仍從舊本說文餽餽也餽申時食也魏風伐
檀篇不素餽今毛傳云熟食曰餽申時食也魏風伐
水澆飯也从夕食釋文音素門反又引字林同蓋
卽字林之文誤以爲說文也蓋餽爲熟食之名分
別言之又有早食夕食之異史記韓信傳令其裨
將傳餽曰今日破趙會食集解引如淳及索隱並
云小飯曰餽通作餽昭二十五年公羊傳云餽餽
未就何休注餽熟食餽熱肉與餽賽同倍二十三
年左氏傳倍負焉乃饋盤餽眞璧淮南道應訓作
釐負焉遺之壺餽是畫飯曰餽而又爲夕食滕文
公篇賽餽而治趙岐注云賽餽熟食也朝日賽夕
日餽是夕食亦曰餽也蓋以字从食从夕遂謂之

夕食實則皆通也又爲不備禮之名聘禮注食不
備禮曰飧周官司儀注小禮曰飧掌客注飧客始
至致小禮也是也謁請釋言文飧者說文飧相謁
食麥也盡心篇是以言飧之也趙岐注云飧取也
孫爽音義本亦作飧奴兼切聲與飧相近饑體雙
聲亦疊韻字說文秦人謂相謁而食麥曰饑體徐
錯傳曰相謁相見後設麥飯以爲常禮如今人之
相見飲茶也據此則與飧同意亦言食不備禮也
玉篇饑食欲飽也饑體也卷十二云饑饑飽也饑
香既切饑音映廣雅饑饑饑饑饑饑饑饑饑饑饑
飽滿也字亦作饑饑亦口代於既二切饑與饑通
聾並相近饑饑其卽饑饑之異文歟注今馮翊郃
陽云者漢書地理志左馮翊故秦內史高帝元年
置塞國太初二年更名左馮翊郃陽應劭曰在郃
水之陽顏師古曰卽大雅大明之詩所謂在洽之
陽晉書地理志馮翊郡漢置名左馮翊郃陽今陝
西同州府郃陽縣洽水在縣南一名漢水東南入
河又漢志河東郡無龍門縣或謂晉改平陽郡然
平陽亦無龍門縣并不著龍門山攷隋志龍門縣
云魏置龍門郡又魏書地形志龍門縣屬北鄉郡

無注是知晉志之無龍門漏也龍門山在今山西絳州河津縣西北二十五里有關西與陝西韓城縣龍門山對峙中通河流形如門關即禹貢所謂浮于龍門西河又道河積石至于龍門是也黃河在縣西十五里自平陽鄉甯縣南流入縣西河之西岸為韓城縣又南悉蒲州府永濟解州芮城二縣界東流入垣曲縣與河南澠池縣對岸

劍薄勉也注相勸勉也秦晉曰劍或曰薄故其鄙語

曰薄努猶勉努也注如今人言努力也南楚之外

曰薄努自關而東周鄭之間曰勗劍齊魯曰勗茲

注勗勗亦訓勉也音義劍居遠反箋疏釋訓劍勗

勗勉也讀若舜樂韶漢書成帝紀詔曰先帝勗農晉灼曰勗勸勉後卷七劍遠也勗亦有遠義故應劭字仲遠勗與劍聲近義同廣雅薄怒勉也鄙語者猶左思魏都賦言鄙俚之言也李陵與蘇武詩

云努力崇明德前云努猶怒也呂氏春秋至忠篇
非怒王則疾不可治高誘注云怒讀如强弩之弩
努怒弩並通張衡思元賦云酬自強而不息今舊
注勳勉也說文愾勉也釋詁作勳愾與勳同連言
之則爲薄努爲勳劔矣勳茲者說文勳勉也逸周
書祭公解曰昭王之所勳牧誓篇勳哉夫子史記
周本紀作勉哉夫子勳通作愾說文愾勉也臯陶
謨曰懋哉懋哉家君曰盤庚篇懋建大命懋簡相
爾漢石經懋皆作勳君爽篇迪見冒馬本作勳顧
命篇冒貢于非幾馬鄭王本皆作勳貢說文勳从
冒聲當音莫候切與懋音義並同衆經音義卷十
五卷二十卷二十二並引此文作齊魯謂勉爲勳
滋滋與茲通漢堯廟碑滋滋汲汲說文孜孜汲汲也
重言之則曰孜孜臯陶謨予思日孜孜秦晉云爾
其孜孜某氏傳孜孜勳勉不息孜孜
孜與滋同連言之則爲勳茲矣

翰軒使者絕代語釋別國方言箋疏卷第一終